

فن إدارة الحياة الزوجية : شرح حديث أم زرع | من أشهر المحاضرات للشيخ الحويني

أبو إسحاق الحويني

ان الحمد لله تعالى نحمده ونستعين به ونستغفره ونعوذ بالله تعالى من شرور انفسنا وسيئات اعمالنا من يهد الله تعالى فلا مضل له ومن يضل فلا هادي له واشهد ان لا اله الا الله وحده لا شريك له - [00:00:00](#)

واشهد ان محمدا عبده ورسوله اما بعد فان اصدق الحديث كتاب الله تعالى واحسن الهدي هدي محمد صلى الله عليه واله وسلم وشر الامور بمحدثاتها وكل محدثة بدعة وكل بدعة ضلالة وكل ضلالة في النار - [00:00:21](#)

اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد وبارك على محمد وعلى آل محمد كما باركت على ابراهيم وعلى آل ابراهيم - [00:00:45](#)

للعالمين انك حميد مجيد فدرسنا هذا المساء بعنوان ليلة في بيت النبي صلى الله عليه واله وسلم وقد امرنا الله سبحانه وتعالى ان نتأسى به وقال عز من قائل لقد كان لكم في رسول الله اسوة حسنة - [00:01:03](#)

لمن كان يرجو الله واليوم الآخر فهذا الموضوع موضوع كبير ولا ادري هل استطيع ان اوفيه آآ ام لا لانني حريص الا اطيل عليكم وبكل اسف يعني هذا الموضوع قد يستمر اكثر من ساعتين. طيب ماشي. على اي حال انا بس اقول هذا الكلام - [00:01:30](#)

وآآ اقترحت على اخواني ان نصلي العشاء في وقتها حتى لا نحبس احدا يريد ان ينصرف واريد ان استوفي الكلام عن هذا الموضوع لاننا في امس الحاجة اليه وهذا من واقع تجربتي مع الناس - [00:02:02](#)

آآ والدخول دائما في مشاكلهم حتى انني سألت نفسي يوما من الايام هل يوجد بيت سعيد؟ من كثرة المشاكل التي الاقيها او تصادفني من آآ بيوتات المسلمين يجب ان نعلم اولاً - [00:02:21](#)

اننا كعبيد اه امرنا الله تبارك وتعالى ان نلزم حدوده. والا نتجاوزها وفي موضوع العلاقة الاسرية ما بين الرجل والمرأة امرنا الله عز وجل بهذا تحديدا فقال عز وجل الطلاق مرتان فامسك بمعروف او تسريح باحسان - [00:02:44](#)

ولا يحل لكم ان تأخذوا مما اتيتموهن شيئا الا ان يخاف الا يقيم حدود الله فان خفتن الا يقيما حدود الله فلا جناح عليهما فيما افتدت به فتكرر ذكر حدود الله عز وجل مرتين - [00:03:18](#)

طيب اذا طلق الرجل امرأته طلاقا بائنا فنكحت زوجها اخر فطلقها هذا الزوج الاخر فارادت ان ترجع الى زوجها الاول فقال الله عز وجل فلا جناح عليهما ان يتراجعا ان ظن ان يقيما حدود الله - [00:03:45](#)

يبقى اذا المسألة قل لها سبب الشقاء البيوت سببه انهما لم يقيما حدود الله الرجل له حدود والمرأة لها حدود وجعل الله عز وجل بين العباد مسافات ورتب على المسافات احكاما - [00:04:14](#)

فلا يحل لاحد ان يختصر مسافة ذكرها الله عز وجل بين اثنين قال تعالى الرجال قوامون على النساء والقوامة دي اعطت للرجل درجة فوق المرأة وللرجال عليهن درجة. يبقى الرجل في هذا المكان والمرأة في هذا المكان - [00:04:41](#)

اذا بينهما مسافة فلا يجوز مطلقا ان ينزل الرجل او ان تصعد المرأة ليه؟ لان المسافة بينهما ترتبت عليها احكام شرعية المسافة بين الولد ووالده في مسافة لا يسميه باسمه ولا يمشي امامه - [00:05:03](#)

ولا يحد النظر اليه. ما هي دي مسافات ورتب على المسافات كما قلت احكاما. اما بالثواب واما بالعقاب الخلل الذي وقع في ديار

المسلمين سببه اختصار المسافات كنت اسمع قديما من بعض مشايخي - [00:05:30](#)

يقول سيأتي اليوم الذي يطالب الرجال فيه بالمساواة مع النساء. كنا نضحك قديما على اساس انها نكتة ستوشك ان تتحقق الزمان صار زمان المرأة بكل اسف لانه لان ديار المسلمين بكل اسف اقولها مرة اخرى لم تلتزم شرع الله عز وجل - [00:05:51](#)

كل هذا يأتينا من اعدائنا وقد احكموا القبضة علينا اتفاقيات الجات مسلا بقيادة الجاد قرنوا بها التغييرات الاجتماعية في ديار

المسلمين بمعنى التكتلات الاقتصادية الجديدة يقول لك انت لن تنضم اليها - [00:06:21](#)

وسنجعل العالم قرية واحدة لن تنضم اليها لن نأخذ منك ولن نعطيك اذا لم تنضم الى التكتلات الاقتصادية. خلاص يا جماعة انا انضم

لا لن تنضم لان لنا شروطا والشروط ايه؟ تغيير البنية الاجتماعية - [00:06:43](#)

المرأة تصعد الى فوق وتأخذ حقوقا ليس من حقها ان تمارسها شرعا وانت اذا اعترضت وقلت ديني او عاداتي او تقاليدي يقول لك

خلاص اذا انت طواعية لا تريد ان تنضم الى التكتلات الاقتصادية - [00:07:05](#)

يقتلونني ديارنا متخلفة لا عندنا صناعات تضاهيهم ولا تجارات تضاهيهم نحن سوق نحن سوق ينتجون ويبيعون لنا سوق استهلاكي

فكل شيء عندنا تقريبا مهم انما يأتينا من عندهم فكيف الظن اذا منعوا عنك كل هذا ولم يأخذوا منك انت ايضا - [00:07:24](#)

فتجبر الدول المسلمة على ان تدخل في هذه التكتلات الاقتصادية وان تحدث التغييرات الاجتماعية التي تهدمها رأسا على عقب قلت

المشكلة مشكلة كبيرة وجسيمة ولا مخرج منها الا بالله دي تحتاج الى معجزة - [00:07:58](#)

وطبعا نحن في ايدينا اقوى الاسباب وهي ان نستقيم على رسم العبودية لان الله عز وجل بين لنا ان النصر من عنده جل وعز وحده

دون غيره وما النصر الا من عند الله - [00:08:24](#)

قال العلماء نفي الاستثناء يفيد الحصر اداة الاستثناء في الاية الا وهي منفية بماء وما النصر الا من عند الله ده هذا الاسلوب يفيد

الحصر يمكن ان ننتصر ونحن اقل عتادا واقل عدة - [00:08:45](#)

ولعلكم تذكرون يوم بدر. وكيف ان المسلمين خرجوا لا لقتال انما ليحرزوا غير قريش والغير كانت حاميتها ضعيفة. كانوا اربعون كانوا

اربعين رجلا. فقط يحرسون العير. فخرج لهم ثلاثمائة واربعة عشر - [00:09:13](#)

فالتلتمية واربعناشر مسلما مع اربعين هيجلبوهم لكن فرضت عليهم الحرب ولم يأخذوا اهبة استعدادهم فايدهم الله عز وجل

بالملائكة وايدهم بنصره قبل الملائكة وانتصروا نصرا مظفرا وصارت الغزوة كالشمس ينسب اليها من حضرها بخلاف سائر غزوات

المسلمين - [00:09:32](#)

فيقال فلان البدري ولا يقال الاحد ولا الخندقي ولا التبوكت. انما البدري وقال الله قال النبي صلى الله عليه وسلم لعل الله اطلع الى اهل

بدر فقال اعملوا ما شئتم فقد غفرت لكم. وقال لا يدخل النار احدا احد شهد بدرا والحديبية - [00:10:03](#)

فنقول اقصر طريق الى التمكين اذا كنا فعلا نريد ان نخرج من حالة الذل والعار التي نعيشها الان ويتجرعها كل حر في بلاد المسلمين

اقصر الطرق الى التمكين طريق العبودية - [00:10:21](#)

ومن العبودية الا تتعدى حدود الله. فانك اذا تعديت حدود الله هذا يسمى تمردا على سيدك فحينئذ تلزمك العقوبة واصل المجتمعات

اصل البناء المجتمع كله انما يبني على الافراد واصل بناء المجتمعات يبني على استقرار الاسر - [00:10:38](#)

انا وانت ابنا رجل وامرأة فاذا كان بينهما توافق وتوائم يخرج الانسان آآ آسوي النفس ليس عنده لا عقد نفسية ولا شيء ولا شيء من

هذا الاجتهاد صلاح الاسر - [00:11:05](#)

هو اصل دعوة الاصلاح في بلادنا اسرى تعرف لماذا خلقت؟ والد ووالدة يتعاونان مع بعض مش ده له مذهب وهي لها مذهب مضاد

يطلع الاولاد عندهم احترام وعندهم نوع من الدفء الاسري - [00:11:23](#)

وانا اقول لكم شيئا لما كنت في آآ بعض البلاد الغربية اه جاءني رجل من مصر ومن اسيوط. السيوط ده عندنا تعتبر سره الصعيد

والصعيد في اي بلد جنوبها وترى في الجنوب في اي بلد من التقاليد والاخلاق ما لا تراه في الشمال - [00:11:44](#)

الجماعة الصاعدة دول ناس عندهم نخوة وعندهم آآ دين فطري كده اقل بذرة تظهر عندهم. اقل بذرة من خير تظهر عندهم. ولسه

عندهم العيب والبتاع والكلام ده. الرجل ده هاجر الى هذا البلد من - [00:12:17](#)

خمسة وتلاتين سنة ثم جاء بيث همومه لي على اساس رجل بقى دين وآآ من العلماء والكلام دهوت ويريد ان يعني آآ ادله القرآن والسنة وكده ما مشكلتك؟ قال لي انا جيت هنا من خمسة وتلاتين سنة وسكنت - [00:12:35](#)

وبعدين آآ البلد دي فيها حرية كاملة. البنت اول ما بتعرف ايدها ايمينها من شمالها بيبقى لها عشيق صديق واتنين وتلاتة والرجل كذلك والكلام ده. وانا يعني آآ اقول لها يا بنتي العادات والتقاليد وحرام عليك وما يصحش وبتاع. طبعا لا - [00:13:01](#)

يستطيع ان يفعل معها شيئا لو مارس معها اي شدة يتاخذ على طول حطه في السجن. لان ده اسمه اعتداء على الحريات العامة وحاجات زي كده فضلت البنت تتسكع مع اصدقائها والكلام ده الى ان جاء يوم واتت بصديقها وداخلة الفيلا - [00:13:21](#)

فقال لها لآ لن تدخلي كيف تمارسين البغاء في في البيت طب انا سايبك على راحتك برة خلي بالك ده صعيدي. لما يقول لها سايبك على راحتك برة شف الانفلات حصل ايه اللي حصل يعني. طبعا هذا لم يحدث صد يعني مرة واحدة. ده حدث على - [00:13:43](#)

خمسة وتلاتين سنة آآ فقال لها لآ انا لا اسمح بهذا ودفعها قالت له لا انا سادخل في هذه الغرفة فلما دفعها طلبت البوليس. جاء البوليس اخده حطه في السجن - [00:14:01](#)

عذوبه ولم يخرج الا بتعهد انه لا يتعرض لها مرة اخرى ولا يسكن في داره فضل ماشي على صديقات او اصدقاء البنت اتحايل عليهم والكلام ده فلتسمح لي اسكن في بيتي - [00:14:22](#)

انا كده رجل كبير في السن وكده هنام في الشارع وبالتالي والتتيا حتى سمحت البنت له ان يبني في البيت انا مش فاهم يعني مش فاهم انا انا رح في هذه البلاد وجدت هذا الخبث من الاول ما الذي جعلني امكث في هذا البلد - [00:14:46](#)

ما الذي جعلني امكث في هذا البلد؟ واحد اخر من آآ محافظة اخرى في مصر يعني الشرقية. برضه لما آآ حس بالخطر والكلام دهوت وولاده كبروا وكده عايز ياخذ الولاد ويرجع قال لهم يا ولاد نرجع بلدنا قالوا له لآ دي بلدك - [00:15:07](#)

مصر دي بلدك انت. انما بلدنا هنا فان احببت ان ترجع ارجع وحدك هذه القسوة وهذه الغلظة السبب فيها ايه؟ ما فيش ليس هناك دفع اسري بين رجل وامرأة يطلع الاولاد غلاظ الاكباد لا رحمة عندهم - [00:15:23](#)

ولذلك لما جت بقى مسائل الخلع في ديار المسلمين والكلام ده كان المقصود ان تفتت الاسر باسرع ما يمكن ليه؟ لان الطلاق ممكن ندخل في المحاكم ويغيب سنوات. نتهد احنا التاتنين تعال يا عم نتفاوض بقى احنا زهقنا بقى لنا سبع سنين في المحاكم - [00:15:43](#)

تعالى نرجع تاني وانت عايز ايه وانت عايزة ايه ويعيشوا. وياما اسر ياما اسر مشاكلهم كانت في المحاكم سنة واتنين وتلاتة واربعة ورجعوا تاني واستقروا الخلع بقى يقول لك ايه؟ يقول لك في خلال ثلاثة اشهر - [00:16:03](#)

نعمل بقى محكمة الاسرة ومش عارف ايه الكلام ده ما وصلناش لحل في خلال ثلاث شهور الست تخلع. الله! ازا انا هاضع البيت في خلال ثلاث شهور انا عارف اه ان سريان المشاكل في المحاكم والكلام ده مؤلم صحيح لكن ممكن يرجعوا. مرة اخرى. وممكن البيت يلتئم مرة اخرى. لكن - [00:16:19](#)

قصة الخلع اللي طلوعوا فيها والكلام دهوت ده ده نذير شؤم بان الست بمنتهى البساطة في خلال ست شهور تخلع من بيتها ده خدناه من عندهم وطبعا موجود موجود الجماعة اللي بيطيبوا كل حاجة. كل حاجة يحطها لك بالشرع ويحطها لك بالمش عارف ايه والكلام ده. وهم يعني وقوف بين يدي ربهم غدا - [00:16:39](#)

فالاستقرار الاسري اعظم اسباب التمكين واحنا مش ازكية ولا عندنا مواهب ديار المسلمين ملآنة الحمد لله بالمواهب ملآنة بالاذكيا و شجعان القلب لما تنظر الى الامة نظرة من فوق تحس ان كلهم اقزام - [00:17:05](#)

هي دي امتنا؟ انحن اقزام حقا؟ لآ لسنا اقزاما لكن كما قلت لكم هذا التفكك الاسري حتى الاسر التي تعيش الان تعيش باخف الضررين الاولاد بيبقى الراجل مش طايق الست ولا الست طايقاه وعايشين عشان الولاد - [00:17:27](#)

لآ ده بقى الحديس ده وصفة لمن يريد السعادة. بس ما يركبش دماغه. انت غلطان ارجع قل له انا غلطان هذا اخف بكثير من العناء المعنى الذي يعاينه الناس قال الحسن البصري يا ابن ادم - [00:17:48](#)

ترك الذنب اهون من طلب التوبة ليه؟ لان قد لا يتاب عليك قد يحال بينك وبين التوبة فلما تترك الذنب اهون واخف فنحن مع اشرف بيت عرفته الدنيا واعظم زوج - [00:18:06](#)

عرفته الدنيا وهو النبي صلى الله عليه وسلم آآ حديث ام زرع حديث طويل كيف اعطى النبي صلى الله عليه وسلم اذنه لهذا الكلام الطويل وهو المحمل باعباء الدعوة وبعثه الله عز وجل - [00:18:33](#)

بالهدى ودين الحق وكيف كان يعامل زوجاته ويصبر عليهن. لان الرجال عندهم نوع من ضيق العطن يعني ممكن يخلص المسائل بكلمة. لأ متصدر فيها وواقف مش عايز يسمع من الست. هو طول النهار مشغول برة. جاي خلاص هيطرشأ من - [00:19:00](#)

الشغل والهموم والبتاع فالست لما بتيجي عايزة تدرد شوية والولد عمل والولد دماغي مش اول ما تيجي تفتحي لي اللي مش عن محضر تحقيق والبتاع والكلام ده دماغي عايز انا مش عشان عارف ايه والكلام ده - [00:19:21](#)

مع ان القصة ممكن تخلص في عشر دقائق لو انت تركتها تتكلم في حدود عشر دقائق. ممكن تخلص المسألة دبت ما ويعني سنذكر النماذج ان شاء الله تبارك وتعالى وارجو ان نخرج من هذا الدرس يعني آآ تطبيق عملي - [00:19:35](#)

اي رجل عنده مشاكل في بيته انا بقول لك اهو الرجل لم يقم بحق القوامة ما فيش بيت فيه مشكلة في البيت ده فيه راجل. معلى فيه راجل يعني ايه؟ يعني قام بحق القوامة. من قام بحق القوامة لا يشقى في بيته. حاجة من اتنين يا الست تتطلق فوراً يا تعيش - [00:19:54](#)

من قام بحق القوامة. والقوامة مش انك تكبس على نفسها. لأ القوامة رحم ورحمة وعدل فيعني هذا الحديث الامام البخاري هو طبعاً رواه الشيخان البخاري ومسلم في الصحيحين بوب البخاري رحمه الله على هذا الحديث - [00:20:18](#)

قال باب حسن المعاشرة مع الاهل والامام الترمذي قال باب السمر مع الاهل والحديث كما ذكرت لكم هو حديث عائشة رضي الله عنها وهي التي كانت تقص آآ الكلام على النبي عليه الصلاة والسلام وهو يستمع وعلق في نهاية هذا الحديث - [00:20:38](#)

الطويل بجملته واحدة ساذكرها ان شاء الله قالت عائشة رضي الله عنها اجتمع احدى عشرة امرأة فتعاهدنا وتعاهدنا الا يكتمن من اخبار ازواجهن شيئاً مجلس نائمة يعني قالت الاولى زوجي لحم جمل غث - [00:21:00](#)

على رأس جبل وعر لا سهل فيرتقى ولا سمين فينتقل وقالت الثانية زوجي لا ابث خبره اني اخاف الا ازره ان اذكره اذكر عجره وبجره وقالت الثالثة زوجي العشنق ان انطق اطلق - [00:21:29](#)

وان اسكت اعلق وقالت الرابعة زوجي كليل تهامة لا حر ولا قر ولا مخافة ولا سامة وقالت الخامسة زوجي اذا دخل فهد. واذا خرج اسد ولا يسأل عما عاهد وقالت السادسة زوجي ان اكل لف - [00:22:00](#)

وان شرب اشترف وان اضطجع التنف لا يولج لا يولج الكف ليعلم البث وقالت السابعة زوجي عيائي او غياييا طبقا كل داء له داء. شجك او فلكي او جمع كلا لك - [00:22:34](#)

وقالت الثامنة زوجي المس ارنب والريح ريح زرنب وقالت التاسعة زوجي رفيع العماد طويل النجاد عظيم الرماد قريب البيت من الناد وقالت العاشرة زوجي مالك وما مالك مالك خير من ذلك له ابل كثيرات - [00:22:59](#)

قليلات المسارح اذا سمعنا صوت المزهر ايقنا انهن هوالك وقالت الحادية عشرة زوجي ابو زرع فما ابو زرع انا من حلي اذني وملأ من شحم عضدي وبجحني فبجحت الي نفسي - [00:23:30](#)

وجدني في اهل غنيمة بشق فجعلني في اهل سهيل واطيط ودانس ومنق فعنده اقول فلا اقبح واركض فاتصبح واشرب فاتقمح ام ابي زرع فما ام ابي زرع عكومها رداح وبيتها فساح - [00:23:58](#)

ابن ابي زرع فما ابن ابي زرع مضجعه كمثل شطبة ويشبعه ذراع الجفرة بنت ابي زرع فما بنت ابي زرع طوع ابيها وطوع امها وملأ كسائها وغيظ جارتها جارية ابي زرع فما جارية ابي زرع - [00:24:26](#)

لا تبثوا حديثنا تبثينا ولا تنقص ميرتنا تنقيثا. ولا تملأ بيتنا تعشيشا قالت فخرج ابو زرع واللاوطاب تمخض فلقى امرأة معها ولدان لها كالفهيدين يلعبان من تحت خصرها برمانتين فطلقني ونكحها - [00:24:53](#)

فنكحت بعده رجلا سريا ركب شريعا واخذ خطيا وراح علي نعمنا ثريا واعطاني من كل رائحة زوجا وقال كلي ام زرع وميري اهلك
قالت فلو اني جمعت كل شيه اعطانيه ما بلغ اصغرا نية ابي زرع - [00:25:24](#)

فقال النبي صلى الله عليه وسلم لها لعائشة كنت لك كابي زرع لام زرع حديث جميل الفاظه جزلة قوية فيه سجع غير مقصود يعني آآ
وده لنسوة كنا في الجاهلية - [00:25:53](#)

لنسوة كنا في الجاهلية بداية القصيدة كما يقال يعني في مثل هذا ولا اقصد المعنى والمقصود يعني ايه كفران العشير يعني مش
مقصود الكفر اللي هو الناقل من الملة دول ده مجتمع من النساء - [00:26:19](#)

ومتعات مجتمعات النساء غير الملتزمات يكون الرجال هو محور الارتكاز في الكلام لا سيما اذا كان الاسر عالية المركز الاجتماعي زي
ما حصل في بيتي العزيز امرأة العزيز مع النسوة والكلام ده كله كلام على الرجال ويوسف عليه السلام ومش عارف ايه والكلام ده -
[00:26:49](#)

هم جلسوا مع بعضهن فتعاهدنا وتعاهدنا الا يكتمن من اخبار ازواجهن شيئا. كل امرأة تكون صريحة في وصف زوجها وخير الكلام ما
قل ودل. كل واحدة وصفت زوجها بكلمات قليلة - [00:27:13](#)

لكنها مثيرة ومعبرة المرأة الاولى قالت زوجي لحم جمل غث على رأس جبل الوعر اه اغلب الناس لا يميل الى لحم الجمل بالزات ازا
كان كبير السن يمكن يحبوا القاعود الصغير في ناس بتكيف يعني من اكل القعود الصغير. انما الجمل - [00:27:33](#)

كبير ده يجمع آآ آ تغير رائحة لحمه مع آآ عدم استوائه الا بعد مضي مدة طويلة تضعه اللحم على النار هي تصف زوجها بهذا المثل
لحم جمل ويا ريتوا قاعود ولا حاجة تتاكل لأ غث. اردأ انواع الجمال - [00:28:05](#)

ومع ردايته على رأس جبل الوعر كيلو لحمة جملي على قمة افرست وزي ما قلت لك الناس اه ما تاكلش لحمة الجملي تعملوا كفتة
عشان ازلط وخلص. ها لكن لحم الضاني والكلام ده يقعد بقى - [00:28:32](#)

واتمعن بقى كده واتكيف. انما الجملي لأ. يتعمل كفتة في الغالب يعني لا سهل فيرتقى ولا سمين فينتقب بتقول يعني ليته اذ هو غث
كان على الارض كنت اخده. فان الناس يأخذون - [00:28:57](#)

فان الناس يأخذون الشيء المبذول مجانا لو كان ردينا اذا بذل مجانا يعني لو في اي حاجة مجانا ورديفة انت بتاخذها فبتقول ليته اذ
كان غثا كان قريبا متناول لكن مع غثافته علشان تروح تجيبه - [00:29:22](#)

تسلك طريق جبل وعر. فهذا مما يزهك فيه. تطلع ليه المسافة دي كلها عشان تجيب شيه انت اصلا لا تحتاجه اليه ولا تميل اليه. ما
شاء الله الحمد لله رب العالمين. والصلاة والسلام على نبينا سيد المرسلين. وعلى اله واصحابه اجمعين - [00:29:45](#)

آآ نستأنف الكلام قالت الاولى زوجي لحم جمل غث على رأس جبل وعر لا سهل فيرتقى ولا سمين فينتقل تقول يشبهه في اخلاقه
وفي تعاملاته معها بانه من ارض انواع اللحوم لحم الجمل - [00:30:11](#)

وغث وعلى رأس جبل الوعر لا سهل فيرتقى تريد ان تقول مع غثائه لو كان السبيل اليه سهلا لا كنا آآ استفدنا به وليته كان سميئا اي
كان لحما سميئا لم يكن لحم جمل. كنا تحملنا وعورة الطريق حتى - [00:30:48](#)

سنأتي به فهي تشير الى انها تبذل جهدا كبيرا في ارضاه ولا يرضى خيره قليل شره كثير وهي لا تستطيع ان تصل معه الى اه اه الى
ما يرضيه المرأة الثانية قالت زوجي لا ابث خبره - [00:31:13](#)

اني اخاف الا ازره. ان اذكره اذكر عجره وبجره اني اخاف الا ازره. انها الضمير في هذا في اثره. اما انه يعود على الرجل او يعود على
خبر الرجل يقول زوجي لا ابث خبره - [00:31:45](#)

اني اخاف الا اذرى. الكلام اذا كان يعود على الكلام عنه تريد ان تقول ان موضوعه طويل. انا لو فتحت في موضوع الراجل ده لن
انتهي ابدأ من كثرة ايه؟ من كثرة يعني ما تلاقيه من الشر. اني اخاف الا اترك - [00:32:14](#)

كلام عنه واذا اعدنا الضمير على الرجل تقول زوجي لا ابث خبره اني اخاف الا ازره اي اخاف ان يطلقني فلذلك فهي ساكتة. لا تريد ان
تتكلم. لانها لو تكلمت - [00:32:34](#)

ستتكم بكلام كثير في ذمه ظاهرا وباطنا ان اذكره ان اذكره اي ان اذكر خبره او ان اذكر الرجل اذكر عجره وبجره. العجر اصلها من تعقد العروق مع بروزها تلاقي العروق بتاعة الجلد في الرقبة والكلام ده بارزة وطالعة من الجلد - [00:32:55](#)

والبجر هي انتفاخ العروق في البطن يبقى العجب في الرقبة والبجر في البطن تريد ان تقول عيوبه ظاهرة وباطنة المرأة الثالثة تقول زوجي العشنق خلي بالك ان لسة لحد دلوقتي ما فيش واحدة اتكلمت ايه - [00:33:26](#)

كلام خير لحد دلوقتي زوجي العشنق العشنق اللي هو احنا بنقول عليه طويل واهبل. يعني ليس له ميزة الا انه طويل والعلماء عللوا بقى او قعدوا يقولوا طب ليه يعني آآ هو كده قال لك لان رقبته طويلة اوي - [00:33:52](#)

فهناك تباعد ما بين الدماغ والقلب. ممكن في السكة كده ايه يتقطع الارسال ولا حاجة. يبقى رجل دماغ بلا قلب او قلب بلا دماغ وهذه صفة الاحمق صفة الاحمق - [00:34:20](#)

تقول زوجي العشنق ان انطق اطلق. وان اسكت اعلق لو نطقت وتكلمت مع الرجل يخشى ان يطلقها. احمق متسرع ولو سكتت وصبرت يعلقها لا هي زوجة ولا هي مطلقة فالمرأة التي لا تأمن ان تنطق في حضرة زوجها امرأة بائسة فعلا - [00:34:37](#)

من كرم الرجل ان يؤمن المرأة اذا تكلمت شوف الشافعي بيقول ليس بحبيب من احتجت الى مداراته سيان كانت امرأة مع زوجها او رجل مع امرأته او رجل مع صاحبه - [00:35:14](#)

ليس بحبيب. من احتجت الى مداراته. حساس سيء الظن وتلاقي دايم الحساس سيء الظن خدش الكلام على المحمل الجيد على محمل السيء فانت عايز تتكلم فخايف هيفهمني غلط ولو اتكلمت هيقول لي يقصد كذا ويقصد كذا ويقصد كذا. فمشكلة - [00:35:37](#)

لا افضل الناس واكرم الناس من تتكلم عنده وانت امن. ان اخطأت سدك وان اصبت زانك ومدحك اشوف آآ سعيد بن جبير لما قال له ابن عباس قم فتكلم فقال سعيد يا ابا العباس اتكلم في حضرتك - [00:36:05](#)

تلميذ مع مع شيخه مع استاذة اتكلم في حضرتك. قال نعم. تخطى فاسدك لان لما الانسان يخطى في حياة شيخه ويسدده غير لما الشيخ يموت او يرحل يبندى يغلط يدبحوه - [00:36:36](#)

كذلك الولد اذا اخطأ في حياة ابيه لن يجد مثل ابيه ناصحا ولا رحيميا هيغلط في حياة الوالد يقول يا ابني لا ما تعملش كده. ده غلط. اعمل كذا بدل كذا - [00:36:56](#)

ليه؟ لانه اذا اخطأ حتى لو كان الخطأ جسيما سيرحمه والده. انما لو اخطأ هذا الخطأ مع اخرين ممكن تبقى مشكلة بالنسبة له فهذا الرجل لا يسمح للمرأة ابدأ ان تتكلم - [00:37:13](#)

النبي عليه الصلاة والسلام لم يكن لم تكن هكذا سيرته في في ازواجه وعلى الاخص مع عائشة. رضي الله عنها ليه مع عائشة رضي الله عنها اكثر كانت اصغرهن وهي البكر الوحيدة التي تزوجها - [00:37:28](#)

والغيرة من الابكار اقوى بخلاف المرأة الثيب التي جربت الرجال وعرفت اخلاق الرجال فتكون اكثر رزانة من المرأة البكر التي لا تجربة لها الا مع زوجها فعائشة رضي الله عنها كانت تقول اقدروا قدر الجارية الحديثة السن الحريصة على اللهو - [00:37:51](#)

في الصحيحين من حديثها رضي الله عنها قالت قال لي النبي صلى الله عليه وسلم اني لاعلم غضبك من رضاك قالت وكيف ذلك يا رسول الله؟ قال اذا كنت عني راضية - [00:38:22](#)

قلت لا ورب محمد واذا كنت علي غضب قلت لا ورب ابراهيم فقالت والله يا رسول الله ما اهجر الا اسمك في رجال لا يسمعون للمرأة ان تقول عشر معشار هذا - [00:38:42](#)

النبي عليه الصلاة والسلام يتبسط معها ويسألها. الكلام اخده وعطى اسألها مع انه يقول اني لاعرف غضبك من رضاك. غضبك علي ورضاك عني. قال سبحان الله! وهل غضبها عليه يضره؟ لا - [00:39:04](#)

ده غضبه هو الذي يضرها ويضر اي انسان ليس هي وحدها ومع ذلك يقول اني لاعرف غضبك من رضاك. كيف يا رسول الله؟ يقول لها لو كنت عني راضية تقول ان له ورب محمد. كنت علي غضب تقولين لا ورب ابراهيم. ما هي المرأة المرأة يعني - [00:39:24](#)

كالقارورة حساسة آآ بتغضب بسرعة بتتحمق اه النساء عندهن حمق وانا مش عايز النساء يزعلوا من الكلام ده انا لست في هذا لا

مهاجما ولا مجاملا انا اتكلم من واقع تجربتي مع الناس وتجربة طويلة - [00:39:50](#)

عندهن نوع من الحمق اللي هو اللي هو التسرع يعني. ممكن تتسرع تغلط غلطة سيئة تحاول ترجع لا يقبل منها زوجها لا يبقى انت اجعل للمرأة او افسح من صدرك للمرأة - [00:40:13](#)

انت بتطلع بتحضر الدروس هنا. يعني في اخت ارسلت لي امس آآ رسالة بتقول ان يعني زوجها آآ لا يأذن لها ان تحضر هذه الدروس الا معه فهو مسافر وهي تريد ان تأتي مع صديقة لها بصحبة زوج هذه الصديقة. هو يقود السيارة وهم الاثنين قاعدين في الخلف.

واحد يبجي المسجد آآ - [00:40:31](#)

لتسمع الدرس قال لها اذا كان اذا افتاك الشيخ ابو اسحاق ان هذا لا بأس به فانا موافق. انا اقول هذا طبعا لا جناح فيه طالما ما فيش فتنة ما فيش آآ مسافة - [00:41:00](#)

سفر ما فيش ما فيش. كل هذا جائز. لكن انا الشاهد من الكلام ده ايه؟ انت بتبجي تحضر الدرس وتلتقي مع اخوانك. ومع ذلك من ضعف الايمان. وتقول انا مش عارف قلبي ليه قاسي كده. وآآ عينيا جامدة ومش عارف ايه. طب هي محبوسة مع الولاد طول النهار -

[00:41:12](#)

ومحبوسة في المطبخ ولا تكاد تخرج الى صديقة من صديقاتها علشان حتى تفرش معها ولا تتكلم كلمتين ولا حتى يبقى في اي

مجلس ايماني او تجويد او قرآن او الكلام ده - [00:41:33](#)

انت مع كل ده بتشتكي من ضعف الايمان وهي محبوسة في البيت مع الاولاد يزونا طول النهار انت بتدخل البيت عشر دقائق تلاقي الولد ده يسكت يحرميه من ده عشر دقائق بس ما انتش مستحمل ودانك هي بقى في الزن ده طول النهار - [00:41:46](#)

وفي نفس الوقت شغالة وعايذ ايمانها يبقى في السما ازاى يعني؟ ما هو ده لازم ايمان هينزل في الارض عشان ما فيش فيه صحبة.

يبقى ارحم بقى افتح لها السكة ليزداد ايمانها - [00:42:05](#)

لكن ما تبقاش انت بقى بجهة المقوم زي ما بيقول بعض الناس يتخذ القوامه كأنها كأنك كأن القوامه سيف على آآ عنق المرأة. لا يبقى انت المرأة لها عايذة تبت شكواك. بالزات اذا كانت المرأة غريبة - [00:42:21](#)

اذا كانت بعيدة عن اهلها بعيدة عن الملاعب صباها بعيدة عن جيرانها. تشعر بشيء من الغربة. انت طول النهار في الشغل ممكن تبقى عندك وردية واتنين وتلاتة بتروح على النوم عامل البيت فندق. تروح عشان تنام وتاكل وخلص وتبجي الصبح عشان مش عارف اه -

[00:42:39](#)

لأ يبقى انت انت انيسها وصدفتي انت تستطيع ان تفك اشكالات المرأة في عشر دقائق لكن ادي ودنك اشقى النساء التي تعيش مع رجل هكذا. انت تقدر تطلق وتستريح او تستطيع ان تتزوج امرأة اخرى. طب هي تعمل ايه؟ دخلت السجن - [00:42:56](#)

ما تطلعش افراج الا بالقسيمة. قسيمة الطلاق. تاخذ اذن افراج والا فهي مسجونة عندك وده كلام النبي عليه الصلاة والسلام في حجة الوداع قال اتقوا الله في النساء فانهن عوان عندكم والعاني هو الاسير - [00:43:24](#)

فانت حاططها في السجن وسجان لا رحمة في قلبك المرأة تقول انه رجل احقق العشق عايذ تبص له تعمل كده ان انطق اطلق او اسكت اعلق طب تعمل ايه يعني؟ - [00:43:46](#)

ايه ما هو الحل؟ ما هو يا تتكلم يا تسكت ساكتة وصابرة على حز الغلاصم اول بقى انفراجة مع المرأة الرابعة هم التلاتة نزلوا ايه؟ تقطيع في الرجالة. وده طبعا تماشيا مع يعني - [00:44:04](#)

قول النبي صلى الله عليه وسلم يا معشر النساء تصدقن فاني رأيتن اكثر اهل النار قلنا لما يا رسول الله؟ قال تكثرن اللعن وتكفرن العشيعة وتكفرن الاحسان ولو احسن الرجل اليكن الدهر ثم رأيتن منه يوما سوءا لقلتن ما رأين منك خيرا قط - [00:44:31](#)

زي ما انا قلت في آآ درس سابق عندها العمومات. ما شفتش منك يوم راحة عمري ما شفت منك يوم حلو وهكذا. حتى لو كان الرجل ينفق ويبزل قلت لك انها متسرة - [00:44:57](#)

الرجل العاقل هو الذي يشملها بحلمه وانت تزداد في نظر امرأتك اذا كنت حليما عاقلا لكن كل شوية علي الطلاق بالتلاتة لما عملي

كزا. علي الطلاق بالتلاتة. انت اول الطلاق يفقد قيمته. المرأة مع ما تخافش منه - [00:45:11](#)

المرأة لا تخاف من الطلاق اللي الرجل عمال يرميه كل شوية ده وتحتقره واسوأ شيه ان تحتقر المرأة زوجها انت اكبر كبر نفسك عند المرأة والانسان ما يصل الى هذه المرتبة الا بالحلم - [00:45:33](#)

حلو وانا هتكلم عن الحلم في يعني آآ ما يأتي ان شاء الله قالت المرأة الرابعة زوجي كليل تهامة لا حر ولا قر ولا مخافة ولا سامة هذا مدح عالي - [00:45:56](#)

ليل تهامة معروف. بلاد تهامة. الحر شديد. جوها جاف. بالليل لما بيجي الهوا بيجي بارد وهم كمان ايضا يعتصمون بالجبال. فلو حتى جاء يعني موجة آآ ريح قوية لو فيها سموم الجبال بتايه ؟ الجبال بتحمي - [00:46:19](#)

كانها وبتتلقى هي هذه اللفحة من الهوا فزوجي كليل تهامة لا حر ما هوش عصبي ولا متسرع ولا قر مش بارد ساعات كده المرأة تطرشأ من جنبها لما تقعد تكلم زوجها هو ولا كانه هنا - [00:46:40](#)

عادي ساكت خالص. او ان هو ديوث بارد يبقى المرأة حد بيعاكسها المرأة مسلا ياخذها يروح مسلا في فندق يعمل آآ اختلاط يعمل رقص يعمل بتاع الكلام ده ليس عنده نخوة - [00:47:02](#)

فهي بتقول انه لا عصبي وله بارد ولا مخافة ولا سامة. اتكلم عنده حتى لو غلظت لا اخشاه بمعنى لا اخشى بأسه وهو حلو الحديث لو قعد يتكلم للصبح ما ازهقش من كلامه - [00:47:25](#)

ادي معنى لا مخافة اذا اخطأت او تسرعت في كلام ولا سامة اي لا امل من حديثه. وطبعاً دي بتبقى محتاجة آآ حسن الكلام يحتاج الى تربية ما هو الكلام سعد ملافظ سعد - [00:47:50](#)

اللي ما اترباش اللي ابوه لم يربيه على حسن الكلام بيبقى عامل مشاكل في كل مكان مش كده يا زمان لما يكون الواحد يتبوأ منصباً عاماً سيخاطب العامة زي الخلافة مسلا او الكلام ده - [00:48:12](#)

كان لازم ولي العهد لازم يجي له العلماء يادبوه لازم يكون عارف الشعر وعارف اللغة وعارف ازاي يعامل الناس والكلام ده يعني شف مرة واحد من هؤلاء المأمون واحد دخل بابنه. ابنه كده سنة تسع سنين - [00:48:30](#)

المأمون لابس خاتم وانت عارف خاتم الملوك بقى يساوي كام فالمأمون بيداعب الولد الصغير ده تسع سنين قال له يا غلام هل رأيت اجمل من هذا الخاتم؟ قال نعم فالمأمون بقى طرطق ودانه. ازاي - [00:48:54](#)

اجمل من هذا الختم شفته فين يعني قال ما هو يا غلام؟ قال الاصبع الذي فيه. ده واد واد قرموط يعني لقطها كده وها مين يعرف قد يجيبها انا ما اعتقدش ان حد توقع الاجابة دي خالص. الاصبع الذي فيه. يعني ما اجمل منه. طب ده الدوا بتسع - [00:49:18](#)

سنين. الواد ده اتكلم الكلام ده ازاي يعني؟ رياه ابوه وتعاهده ابوه لان حسن الكلام يدل على العقل عشان كده وانت بتربي ابنك لازم تأتي له بمؤدبين مش بمدرسين عشان يدرس له انجليزي وجغرافيا وتاريخ ومش عارف ايه ويطلعوه يطلع الواد مدبب في حياته كده

- [00:49:41](#)

لا لما تجيب واحد يعلم ابنك لابد ان تتخير انسانا مؤدبا عشان ينقل الادب للولد. مش قصته انه يبقى قوي في المادة ما خلاص ما احنا حصيلة الصيف واسعة. دلوقتي بيطلع الولد يتخرج معه الورقة وخلاص وقاعد على الرصيف. او يطلع يلف في البلاد عشان يشتغل -

[00:50:05](#)

لا عدل في تربية ولا في تعليم. خلاص هيبقى على الاقل على الاقل. آآ محفظ القرآن وحافظ القرآن لابد ان يكون له سمت واهتم بان انا اقول له علم الولد الادب - [00:50:26](#)

علمه الادب واعن آآ المدرس على ابنك يعني الرشيد هارون الرشيد لما كان بيحجب الاصمعي والجماعة دول عشان يادبوا آآ اولاده اللي هم ياخذوا الخلافة من بعديها كان حاطط جاسوس على - [00:50:43](#)

المدرسين وهذا الجاسوس ينقل كل الاخبار واصل برضو في واحد ساعات بيبقى ضعيف النفس. يقول لك دول اولاد الخلفاء وبكرة يبقوا هم الخلفاء. تقرب وتودد اليهم. يخطفوا العمه بتاعته ويشقطوها لبعض - [00:51:07](#)

يا سلام ده انتم زراف خالص ولطاف والله ومش عارف ايه والكلام ده. الله! ازاي! الله! ده عشان ايه؟ عشان ابقى بيني وبينهم ود
ومش عارف ايه والكلام ده. لأ ده - [00:51:24](#)

دار للتربية فكان يحط جاسوس عشان ينقل له الاخبار. المدرس بيعمل ايه معه؟ الاولاد. ففي يوم من الايام الاصمعي عايز يقوم
وطبعا خالغ النعل بتاعه قام اللاتنين جريوا هم اللاتنين كل واحد عايز ياخذ النعل عشان يلبس الشيخ - [00:51:34](#)
ده يقول لأ انا البسه ده يقول لأ انا البسه. اصطلحو اللاتنين على ان كل واحد يلبسه فرد خلاص الجاسوس خد المشهد ده وقام رايح
قايله لمين؟ لهارون في يوم من الايام جالس هارون مع الاصمعي فبيقول له يا يا بقول له يا اصمعي من اعز الناس - [00:51:52](#)
قال امير المؤمنين قال له لا اعز الناس من تسابق ولي العهد ان يلبساه النعل الادب لا يصلح علم مطلقا الا بادب علم بلا ادب نار بلا
حطب. كلام علمائنا المتقدمين - [00:52:14](#)

كان خطيب البغدادي وغيره. والعلم لا يصل الا بحشمة الحشمة دي اللي العلماء يسمونها سياسة العلم. سياسة العلم. يعني مثلا يبجي
الشيخ بيعلم الاولاد في مسجد شيخ بيدي العلوم الشرعية ومش عارف ايه والكلام ده - [00:52:38](#)
بعد ما يخلصوا يقول لك نعمل تقسيمة كورة يوم الجمعة يطلع الشيخ يلعب مع الطلبة. يعملوا تقسيمة كده فريقين وحاجات زي كده
انت عارف بقى الاخلاق بتروح في الرياضة وبتاع والواحد بيبقى منهك وعايز يجيب جون ومش عارف ايه والكلام ده - [00:52:59](#)
الشيخ عمال يرقص مش عارف يدي له مقص. الله! طب ادي له مقص ووقعه على وشه. طب انا ازاي اقعد اقول له يا ابني تأدب
والكلام دوت اه اشوط الكورة في الجون. جون يقول لي لا مش جون. اقول يا ابني عدة الخط يقول صدقني انت ضاللي. ها؟ ما
دخلتش الجونة ولا حاجة ولا الكلام ده - [00:53:18](#)

ده ذهب حشمته لو كان اعلم الناس لكن انت لو لك حشمة لو لك سمت وعلمك قليل يوصل القليل فلا بد لابد من من من حشمة اللي
التي يسميها العلماء سياسة العلم. ابن حزم مثلا - [00:53:38](#)
لا يختلف احد على علم ابن حزم كان بحرا لا تكدره الدلاء ولكن لم يحسن سياسة العلم فكاد ان يضيع علمه بل ذهب كثير من علمه ما
كان يوقر احدا - [00:53:59](#)

لو مسك بقى حد من الائمة الاربعة ابو حنيفة على وجه الخصوص او مالك او الكلام ده لا يبقي ولا يزر ويعني يشتمهم في الكتب
وبتاع عشان كده انا لا انصح احدا من المتفهمة ان يبدأ حياته بالمحلى - [00:54:18](#)
محمد بن حزم برغم انه يشتم على علم كثير لكن في هذه الجزئية الحقيقة تجاوز ابن حزم حتى تماؤوا عليه واحرقوا كتبه وردوه
الى ما لا الى بلده وكاد علم ابن حزم ان يذهب وينتهي واحرقوا الكتب - [00:54:34](#)
لم يصل الينا من كتب نحزم الا القليل مع انه كان مكثرا من التأليف قال بعض علماء الاندلس عن ابن حزم انه لم يحسن سياسة العلم
التي هي اعوص من اتقانه - [00:54:52](#)

سياسة العلم والحشمة اعوص من اتقانه بعض الناس برضه يبجي مسلا في المساجد يقول لك نعمل البدروم للعيال عشان يلعبوا بنج
بونج ومش عارف ايه والكلام ده عشان اول ما الظهر يؤذن يبقيوا العيال طالعين يصلوا - [00:55:07](#)
هذا تفكير سيء. ليه؟ المسجد له حشمة لما الاقيه تقول له ايه تعال عشان نلعب بنج بونج في الجامع ما هوش ده اللي بيتقال لأ
المفروض المسجد بيبقى مسجد. انا داخل المسجد عارف ان انا رايح مسجد. ما قلتش تعال لنا على البنج بوب في الجامع. ومع ذلك
العيال اول ما يعرفوا الظهر هيدن يقوموا يقول لك ايه - [00:55:21](#)

يلا نروح بقى عشان فعشان كده احنا بنقول يعني بنقول الكلام الحسن انما يتلقى ويتعلم. فانت تشوف فيه انسان الفاظ جيدة انسان
قارئ لا سيما اذا كان ادبيا احنا عندنا عندنا فقر مدقع عند شبابنا فيما يتعلق بمسائل الادب - [00:55:46](#)
لا بيقروا شعر ولا بيقروا في كتب العرب ولا الكلام ده مع ان الادب وتطويل اللسان انما يكون برعاية اداب العرب يجيب له مسلا ديوان
اي حد من الشعراء ما يعرفش يقرأ بيتا صحيحا - [00:56:12](#)
فضلا ان عن ان يتذوق هذا البيت اذا لا يسئم لا يسأم هي تقول انه لا يسأم من كلامه. يفضل يتكلم تبقى هي مستخرسة هي اللي

تتكلم ليه؟ لان حوارہ ممتع. يتجنب الالفاظ القاسية ويراعي يعني ضعفها ويراعي محبتها اياه. فيقوم ايه؟ يتكلم بهذا الكلام. زوجي -

[00:56:27](#)

كليل تهامة لا حر ولا قر ولا مخافة ولا سامة قالت الخامسة زوجي اذا دخل فهد واذا خرج اسد ولا يسأل عما عهد دي مدحته اذا دخل

[00:56:50](#) فهد الفهد في الحيوانات -

آآ يصفونه بالغفلة يصفونه بالغفلة فهي تقول انه يتغافل مش عينه على كل حاجة لأ المرأة تكره الصنف اللي زي ده ولذلك المشاكل

[00:57:24](#) بتكثر في بيوت الرجالة الذين احيلاوا الى المعاش -

اول ما يحلل معاش تبتدي المشاكل في البيت يا عم الشيخ الله يكرمك شوف لي شغلانة. عايزه يطلع من البيت ليه؟ بدأ ياخذ باله من

[00:57:53](#) اشيء كانت بتحصل كل يوم بس عشان كان مشغول -

ما خدش باله منها. كل ما يدخل الشنطة دي انها الايه ما هي هنا بقى لها ثلاثين سنة بتتحط في الحتة دي. انا بادخل بتكعبل فيها. ها

[00:58:07](#) انا آآ ملاية السنين مش مشدودة كويس ليه -

الفوطة محطوطة هنا ليه؟ يدخل المطبخ. الكوبايات مش مرصوة كويس ليه؟ طب انت ايش دخلك المطبخ انت؟ مسلا يدخل ايه؟

الحوض مليون مواعين كده لسة الست تخلص خالص تشطب مطبخها مرة واحدة. مش كل ما تعمل طبق تقوم مغسلاه وحاطاه في

[00:58:20](#) المتبقية هي قادرة بشغلها. يقول لها انا كده بالمنظر ده باكرهه ما احبوش -

ما حبش ادخل الاقي الحوض مليون مواعين. وانت ما لك طب ما تغسل بقى. طالما مش عاجبك المسألة ادخل اشتغل يعني. فيبتدي

[00:58:40](#) يعمل مشاكل ويبيدي ملاحظ كات موجودة بصفة دائمة لكنه لم يرها الا بعدما فرغ قلبه -

لأ انا هقول لك حاجة تسعة اعشار السلامة في التغافل اعمل نفسك مش فاهم اكثر بني ادم تعبان في حياته الزكي او مش عايز اقول

[00:58:59](#) الزكي لأ. هصح العبارة. الذي يظهر للناس انه ذكي -

ييجي يكلمك كلمتين تقول اه انت عايز تقول كذا وكذا وكذا. قبل ما يكمل طب ما انت حيجي لك يوم من الايام يقال لك عبارة ولا

[00:59:25](#) بتاع ما تفهمهاش فعلا. قال يقول لك اشمعنى دي اللي انت مش فاهمها -

طب ما انت على طول بتكلم لي العبارات والكلام دوت واشمعنى دول مش فاهم لأ انت فاهمها وبتستعبط لا قيل لاعرابي من

[00:59:40](#) العاقل؟ قال الفطن المتغافل فاهمها وبعدها بمزاجه ها -

ما بقولش الانسان يبقى غبي لأ. يتغافل ما يبقاش مغفل. يتغافل التغافل ده يعطيك فرصة للتأمل حد يقول لك كلام انت فاهمه كويس

[01:00:00](#) جدا. تقول له تقصد ايه يعني؟ وتبدي ان كل حاجة عايز تستفهم فيها -

فده يعتبر كأنه ايه كأنه ايه يعني ايه آآ جنة انت تحترز بها ونحن اخذنا هذا التغافل ده من النبي صلى الله عليه وسلم عند البخاري

[01:00:19](#) وغيره من حديث ابي هريرة رضي الله عنه كانت قريش تشتم النبي صلى الله عليه وسلم -

بس تشتمه بطريقة جديدة النبي عليه الصلاة والسلام اسمه محمد يقوموا قالبين الاسم يبقى مذمم ويشتمون مذمما خلاص قاتل الله

[01:00:42](#) مذمما قبح الله مذمما فيقول النبي صلى الله عليه وسلم لابي هريرة انظر كيف يصرف الله عني شتم قريش -

انهم يسبون مذمما ويشتمون مذمما وانا محمد. مش انا يعني مع انه يعلم انهم يشتمونه خلاص تسعة اعشار السلامة في ان يتغافل

[01:01:11](#) المرء. لا تظهر انك ذكي. عشان يبقى القرار بيدك. ها -

كانت العرب تقول لسان العاقل من وراء قلبه ولسان الاحمق من امام قلبه يعني ايه الكلام ده قال لك انت اسير الكلمة اذا خرجت منك

[01:01:38](#) قبل ما تتكلم ارسل الكلمة الى قلبك استطعها الاول. ها اتكلم؟ ما تكلمش. طب لو اتكلمت -

حيث يترتب عليه ايه؟ طب لو سكت هيترتب عليه ايه؟ بعد ما انت تهضم المسألة وقلبك خلاص استوعبها ينطق اللسان او يسكت

[01:02:11](#) لان اللسان من وراء الايه؟ من وراء القلب. يعني القلب متقدم -

اما لسان الاحمق فانه من امام قلبه قبل ما يفكر في اي حاجة ينطق مر كنا بنصلي في مسجد وبعدين ايه يعني الاخ الامام قال لي ايه

[01:02:27](#) عايزينك يعني آآ تحض الناس على التبرع للمسجد عايزين نكمل -

تكلمت يعني بما يسر الله عز وجل وكده فواحد كده سخن سخن قام مطلع كل اللي في جيبه واخذ بالك وقام حاطه على الياه؟ على الترابيزة والناس كل واحد تبرع بما يسر الله سبحانه وتعالى - [01:02:52](#)

بعد كم يوم كده الامام بيقول لي ايه باقول للراجل اللي حط الفلوس في الاول جاء قال لي اعمل معروف اديني الفلوس تاني. قال له ليه؟ قال له ده كل اللي - [01:03:11](#)

جيبني وانا ما عنديش مصاريف. ها طب انت عامل جدع وسختن وطلعت كل اللي في جيبك قعدت تاخذ الفلوس تاني ما هو ده ما هو ده حط من قدره وبعدين شيه بذله لله. ازاى ياخده تاني - [01:03:26](#)

المسألة تبرع خلاص يعني الانسان يتصرف تصرفا يعني الانسان العاقل يقول اه انا دلوقتي معي قد كده ممكن اتبرع بكزا او ممكن اتبرع الدينار الذي تنفقه على اهلك افضل الدنانير كلها. كما قال النبي عليه الصلاة والسلام. يبقى ده تسرع وواقع نفسه في - [01:03:45](#)

وشان نفسه لأ فيبقى الانسان قبل ان يتكلم لابد ان يعرف الكلمة وان يعرف مغبة الكلمة. فهي بتقول ان زوجها من مميزاته انه يتغافل لكن قالت ايه؟ لكن اوعوا تفتكروا ان هو كده مغفل على طول. ده في البيت بس - [01:04:07](#)

لكنه اذا خرج الى الناس راجل ما فيش حد يغلبه ولا حد يضحك عليه ولا الكلام ده. انا بس اللي بضحك عليه لكن الناس برة ما فيش حد يضحك عليه - [01:04:33](#)

اذا دخل فهد واذا خرج اسد ولا يسأل عما عهد. لا يسأل عما عهد دي كانها تفسير لفهد يعني مسلا ايه يجيب شوية رز مش كل شوية يبجي يحسس على الشवाल ناقص الله! ده الشवाल ده كان ثلاث تربعه امبارح بقى نصه ليه؟ ها؟ ما هو جايز يا اخي بتاخذ تودي لاهلها ولا - [01:04:44](#)

حاجة او تتصدق او الكلام دهوت لأ كن كريما. كن كريما لا تتلصص على المرأة ولا تحاسب المرأة هنعمل زي الراجل بقى اللي ايه كل ما يجيب لحمه ها واديها لمراته انت عارف اللحمه لما بتطبخها بتكش شوية. فجايب لي مسلا كيلو قد كده تبص تلاقها قد كده - [01:05:10](#)

الراجل بقى لانه لا بيطنخ ولا بيعرف اي حاجة وبتاع ما بيعرفش ان اللحمه بتكش يعني. فيبص في الحلة فيلاقي الياه؟ يلاقي اللحمه قليلة وبرضه الست كانت بتقوم برضو لما تحب تدوق اللحمه طابت ولا تاكلها حتتين ثلاثة يعني هالاقى اللحمه قليلة اوي. لانه راجل يعني آا الضاغط - [01:05:29](#)

المرأة والرجل كل ما يضغط على المرأة وقررها والكلام ده تكذب كيف تخرج من سخطه تعمل ايه؟ تكذب الرجل الشديد هو الذي يلجأ امرأته الى الكذب عشان تطلع من سخطه - [01:05:49](#)

اللحمه فين؟ فاكلها القط القط ابن الزين دل اللي قاعد لي في البخت كل ما اجيب لحمه لقطه قاعد لي في اللحمه بس. خلاص قام جاب ميزانك. ها قبل ما يطلع قبل ما يجيب لحمه يوزن القط. ها؟ يبجي اللحمه فين؟ اكلها القط يقوم جايب القط يوزنه ما يلاقيش - [01:06:03](#)

ما فيش حاجة ها ما هو حتى القط لو كل كيلو اللحمه مش هيبان على وزنه برضو انت عارف لا لا يسأل عما عهد اذا الرجل كان كريما وكان متغافلا يكون على سقف قلب امرأته - [01:06:28](#)

والدنيا لا تجمل الا بهذا. ان يشعر الرجل انه محل انه يعني حال في قلب امرأته. فدا رجل ايه؟ كريم من اخيه انه يتغافل في بيته. كل واحد من الرجال الذين اثنت عليهم النساء خد صفة من الصفات دي - [01:06:47](#)

اذا ما كانتش الصفيه دي عندك جربها ده تاني امرأة ايه تمدح زوجها رجعتا للاول. من اول السطر تاني. ها؟ قالت الخامسة السادسة زوجي اكل لف وان شرب اشتف وان اضطجع التف لا يولج الكف ليعلم البث. زعلانة منه - [01:07:07](#)

ليه ان اكل لف الاكل محطوط على السفرة يلف على السفرة كلها خلاص مش يأكل مما يليه لا يلف على السفرة كلها. طب اللي عمال يمد ايده هنا وهنا وهنا وهنا وهنا يمين وشمال. ده كناية عن ايه؟ انها بتطبخ - [01:07:40](#)

حلو طبيخها جميل خلاص مصنف من كل الانواع والكلام ده وان شرب اشتف يفضل يلحس في الكوباية شرب العصير كله وعمال ايه؟ يلحق الايه الكوباية ويزعم ان النبي صلى الله عليه وسلم قال الوعاء يستغفر للاعقه. ها؟ لا ده رواه ابن مفلح. ها؟ لا ليس - 01:07:59

حديثا هذا كذب على النبي عليه الصلاة والسلام. فيعني معنى يشرب العصير ويقعد بقى يشفط في الكوباية وبتاع مش عايز يخلي نقطة حتى في العصير. يبقى برضو الست برضو ايه الست ماهرة. ان اكل لف وان شرب اشتف - 01:08:26
يكون الجزاء الخدمة ديت اذا اراد ان ينام يكعور لوحده في حاله كده ها اذا اضطلع قف يلف حوالين نفسه زي التعبان كده وبسيبها ها بتشتكيه لا يولج الكف ليعلم البث - 01:08:43

لا يوجد الكف ان طبطب عليها مسلا ولا اي اخبارك وعاملة ايه ومش عارف ايه والكلام دهوت حتى ابته شكواي حتى ايه ابو السهو شكواي ما هو لو اول ما يططب عليها كده واخبارك ايه والكلام ده هتفضفض - 01:09:04
اما البث ده اما ان يكون اشد الحزن او اشد الحب ها الاتنين مع بعض فلو هي بتحبه اوي عايزة تاخذ فرصة انها تعبر عن حبها مش مدي لها فرصة. بعد ما بياكل بيتخمد. ها اذا كانت حتى عندها مشاكل ونفسها بقى انها تفضفض - 01:09:21
وتقول له كزا وكزا ومش عارف ايه لا يدع لا يدع لها فرصة انها تتكلم. فدي زعانة اه مش مش زي العشنق والكلام ده. لأ الزعل درجات لكن هي برضو ايه تقول انه لا يراعيها - 01:09:48

وانت عارف المرأة تحتاج الى كلمة طيبة. انت عارف لو لو نقلت جبلا حصة حصة وقلت لها ربنا يخليك ويبارك فيك والله مش عارف اودي جميلك فين. انا عارف ان انت تعبانة. لو شايلة جبل هيسقط هذا الجبل - 01:10:04

الملافز سعد يعني تخيل ان واحد مسلا جايب كسوة وجايب اكل وجايب شربه وساكن في الدور الخامس وطالع ما فيش اسانسير ولا بتاع والكلام ده. وطلع عمال ينهج تروحه هتطلع وعرقه مرقه. اول ما فتحت له الباب اطفحه. على الله يطمر - 01:10:23
عارف انا هافضل لحد امتي مرمطوني. ربنا يتوب علي ويعمل الكلام ده. طب ما انت ضيعت فلوسك. ضيعت فلوسك. فصارف مبلغ قد كده هوت راحت الفلوس تلعنك كده في صدرها وتقول انت ربنا يخلصني منه. ما بيقولش كلام حلو ولا الكلام ده - 01:10:45
المرأة تستريح بكلمة طيبة. وانت عارف المسل لاقيني ولا تغديني يعني. يعني لما تلقاني ملاقة حسنة افضل انك انت تطعمني وتضمن بدن وشف كلام الحكيم الترمذي يقول ليس هناك حمل اثقل من البر - 01:11:05

من برك فقد اوثقك ومن جفاك فقد اطلقك شف كلام زي الذهب كده ليس هناك حمل اثقل من البر. انت عايز تكتف اللي قدامك احسن اليه كل ما عايز يتعدى عليك يقول لولا عمل لي كزا كزا كتكت وربيته - 01:11:30

كنت كلمته بكلام شديد الذي منعه ان يساء اليك سابق احسانك وحديث عروة ابن مسعود الثقفي اللي احنا اشرنا اليه في خطبة الجمعة النهاردة لما بيقول للنبي عليه الصلاة والسلام آآ والله ما اري حولك الا اوباشا او اوشابا خليقا ان يفروا ويدعوك. قال ابو بكر - 01:11:50

نفر وندع. قال من هذا؟ فقال النبي صلى الله عليه وسلم انه ابن ابي قحافة فقال لولا ان لك علي يدا لاجبتك روى ابن اسحاق عن الزهري في هذا الحديث - 01:12:12

ان عروة قال لابي بكر ولكن هذه بتلك. الغلط اللي انت غلطته في الالهة بتاعتنا استوفيت به جميلك السابق بحيث لو غلطت هرد فما الذي منعه يا ترى ان يرد عليه الجميل السابق لابي بكر رضي الله عنه فلما استوفى جميله صار عري - 01:12:29

طليقا يرد على ابي بكر باي كلام فانت عايز تحجم الناس وما تخليش حد يتعدى عليك احسن اليهم. من اراد ان يسترق انسان فليحسن اليه ان يسترقه. شف تصل الى درجة ان يكون رقيقا - 01:12:53

احسن اليه المرأة ضعيفة وغلبانة فعلا يعني انت لما تطلقها بتكسرهما حتى لو كانت بنت ملك مطاع والكلام ده كلام النبي عليه الصلاة والسلام قال ان المرأة خلقت من ضلع - 01:13:16

وان اعوج الضلع اعلاه فان ذهب تقيمه كسرته وان تركته ظل على عوج فاقبلوهن على عوج اذا كمال المرأة في اعوجاجها انظر الى

هذه المفارقة يبقى الرجل ينبغي ان يعلم ان ما عنده القوامه هو الذي يرحمه هو الذي يتفضل وهو الذي يغضي وهو الذي يسامح
بحكم القوامه - [01:13:37](#)

يبقى الرجل الرجل كده مستقيم اهو والمرأة كده الضلع كده فلما يبقوا اللاتنين جنب بعض لو انت عايز المرأة تبقى زيك هتبقى كده
خلاص ما ينفعش يبقى فيه اتنين رجالة في البيت - [01:14:05](#)

لما تتعامل مع امرأة فيها صفات الرجولة اما ان تترك رجولتك واما ان تطلقها عشان كده تلاقي كبرانة في دماغ الرجالة ما بيعتزش
حتى لو كان غلطان يحصل مشادة بينه وبين المرأة هو اللي غلطان ما يرضاش يصلحها - [01:14:31](#)

ما يرضاش يصلحها ليه؟ يقول لك اصل هتاخذ على كده والقوامه بتاعتي ما تسمجليش وكرامتي والحدوتة دي فالبيوت المستقرة
رجل قوي مع امرأة ضعيفة او رجل ضعيف مع امرأة قوية - [01:14:51](#)

بس لازم يبقوا اللاتنين واحد قوي وواحد ضعيف. ايا كان بقى لكن اتنين اقوياء مع بعض ما ينفعوش ادي الرجل اهو وادي المرأة اهي
طب انت دلوقتي عايز تبقى راجل كويس - [01:15:09](#)

تعمل ايه؟ تفضل كده انت تعمل كده انت اللي تتعود مش هي اللي تستقيم. لو استقامت تتعبك لكن انت لما تتعوج عندك الصلاحية
انك تتعوج وانك انت تنزل بقى من عالياء الرجل والكلام ده تنزل ولا يضرك - [01:15:29](#)

حتخطف قلبها يعني الرسول عليه الصلاة والسلام كما في المسند وغيره. من حديث عائشة رضي الله عنها قالت كنا في غزات مع
النبي صلى الله عليه وسلم فقال للجيش تقدموا - [01:15:55](#)

فتقدم الجيش اصبحوا هم اللاتنين مع بعض. قال تعالي اسابك نجري قبال بعض انا عايزك تتخيل الرسول عليه الصلاة والسلام افضل
من مشى على الارض بقدمين الموصول بالسما رسول رب العالمين - [01:16:11](#)

مين عمال يجري وبان عايش مين اللي ممكن يعملها دلوقتي رجل يستنكف انه يعمل حاجة زي كده وشف ده يحط من الرجولة
بتاعته والكلام ده لأ اهو لقد كان لكم في رسول الله اسوة حسنة - [01:16:29](#)

تعالوا اسابك. قالت فسابقته فسبقته وبعدين بعد مدة كده برضه في غزوة والكلام ده قال للجيش تقدموا ثم قال لها تعالي اسابك.
قالت ونسيت نسيت بقى ان ايه كان فيه موقف زي كده قبل كده - [01:16:47](#)

قالت فسابقته فسبقني. فجعل يضحك ويقول هذه بتلك. ايه اللي سر الرجل يعني ايه اللي يضر الرجل ان ان يتبسط؟ مش عايز اقول
لك اجري لا انت هتجري فين العملية كلها الشقة خمسين متر ولا هتجري يعني - [01:17:09](#)

تطلع تجري في الشارع يقول لي اللاتنين مجانيين بيجروا ورا بعض ولا بتاع وكذا ها هو حلك الوحيد تجري ورا اتوبيس ورا بتاع يبقى
لك سببية كده انك انت بتجري يعني مش مش طالع تجري لوحك - [01:17:29](#)

لكن ممكن تعمل حاجة زي كده. ممكن تعمل حاجة زي كده. حاجة تشبه كده. يبقى النهاردة لما الراجل يعمل كده اهو يبقى هو اللي
اتعوج اهو وانت عندك الصلاحية انك تعمل كده - [01:17:39](#)

وقلبك يسع ان تفعل شيئا كهذا فعشان كده بقول لك يعني انت تاخذ قلب المرأة بكلمة طيبة. وهي بترضى هي بترضى. حتى لو كانت
تعلم انك كاذب بترضى برضو فالمرأة دي بتشتكي ان الرجل لا يعني يعطيها مجالاً لتبث اما همها واما حبها - [01:17:52](#)

وان هو ايه؟ انه متجنها ياكل وياه وينام زوجي ان اكل لف وان شرب اشتفوا بمناسبة اكل لف دي آآ برضو عايزين نعلم النساء اه
طريقة ترتيب المائدة آآ لما تحط اكل يكون فيه ضيوف ولا حاجة والمائدة واسعة - [01:18:17](#)

فلتضع من كل صنف في كل مكان ولا تحوج الضيف ان ينظر الى شئ يشتهي ولا تطوله يده لان برضه النبي عليه الصلاة والسلام قال
قل مما يليك وساعات الواحد مسلا يروح مسلا يبقى اللون نفسه ياكل دي بس هيمد ايده وعيب. يعني ها زي ما بيذكروا عندنا برضه

واحد آآ - [01:18:40](#)

كان آآ عزم واحد صاحبه على مائدة حط كده ديك رومي في النص كده وحط بقى ملوخية وبقية الاكل والطبيخ والكلام ده طبعا
راجل اه عايز بيقول للديك هايته لك بس ايه ها عيب. احنا كلنا برضه ضيوف وبتاع ومش اول ما ايدك هتتحط على اللحمه على

بتلم نفسك برضه وبتاع وتقعده تاكل عيش وتاكل مش عارف ايه وبتاع وها وتحوم كده. فالرجل ايه كل ما ايده تطول شوية تروح احنا هتديك يقول له كل مش شريفة. الشريفة اللي هي الايه؟ الملوخية. طبعا الملوخية دي كان اسمها الشريفة ليه؟ انت عارف اصل اصل كلمة ملوخية ايه؟ ملوكية - 01:19:28

ما كانش ياكل الملوخية الا الملوك ها اسمها ملوكية عشان كده. واسمها الشريفة عشان كده. الشريفة ما كان يأكلها الا الاشراف. لحد بقى ما بقى امتهنت وبقينا احنا بناكلوها فكل عمال ياكل عيش ويغمس ملوخية وغمس طبيخ واديك زي ما هو متكتف زي - 01:19:48

ما هو؟ كل من الشريفة كل من الشريفة الراجل زهق بقى خلاص قام كسر الديك. قال له سيبني في عديم الشرف شوية. ها؟ الشريفة انت لآ انت ما تجيش على القطايف الاكل وتقوم حاططها بعيد كده علشان خاطر بقى الضيف يضطر يمد ايده لآ. انت عارف انت عندك ثلاث اربع اصناف المرأة - 01:20:13

ثلاث اربع اصناف من الاكل. يبقى في كل آآ ناحية من نواحي السفرة ها يكون موجود كل الاكل بحيث انك ايه لا تحرم الضيف ده ادب ترتيب المائدة وده برضه من اداب الكرم حتى لا تحوج يعني ايه الضيف ان هو يمد يده - 01:20:33

جينا بقى لاسوأ وصف المرأة السابعة قالت زوجي عيايا غيايا طبق كل داء له داء شف عيا ياء من العي اي انه لا يعف امرأته غيايا من الغي وهو الضلال البعيد - 01:20:53

طبق اقفل ما بيتفاهمش افهم. كل داء في الناس فيه بيتفاهم ازاي ده بقى؟ سلامته ها؟ بالضرب طب الضرب ده بيصل لايه؟ شجك يفتح دماغها او فلكي يكسر عضمها كسر خيار او جمع كلا لك. ها - 01:21:26

عن تخصص النهاردة اسرت في حاجة يبقى دي فتحة دماغ بس. ها الزنب ده ده كسر آآ عضم غلطت اوي اوي يعمل الاتنين مع بعض الضرب ده انما قصد به التأديب. مش انك تعمل لها عاهة - 01:22:03

لأ المقصود من الضرب التأديب. واللآتي تخافون نشوزهن فعظوهن واهجروهن في المضاجع واضربوهن يبقى الثلاثة مترتبين ورا بعض وانا هتكلم بصراحة الرجل انما يضرب لانه عجز عن الثنتين قبل الضرب - 01:22:25

اذا وعظ بتبقى الموعظة خشنة احيانا وفيها نوع من التقريع مع ان الموعظة الاصل ان تكون بكلام رقيق. موعظة اذا وعظ الرجل المرأة وبين لها بكلام المحب انه يريد زينها. وان هذا الامر يزعجني - 01:22:57

ولا تفعلني مثل هذا الامر. وانت بنت آآ اصول وبنت ناس ومتربية. وانا عارف ان انت انسانة فاضلة. طب لماذا تفعلين شيئا كهذا وهو يزعجني ليس من عشرة المعروف ويتكلم بما يفتح الله عز وجل به. المرأة لم تستمع الكلام يهجر - 01:23:21

قل من الرجال من يستطيع الهجر عشان كده بيختصر البتاعة وايه ويضرب على طول. اذ انه لو حقق الهجر لما احتاج الى الضرب المرأة عندها من الصبر على الهجر ما ليس عند الرجل - 01:23:40

وطويلة النفس في هذا فيبقى الرجل محتاج الى ايضا لطول نفس ايضا طالما المسألة مسألة تأديب. اذا وعظها اذا هجرها ولم ترعوي يضربها. جاء الضرب مطلقا في كتاب الله عز وجل قيده السنة - 01:24:01

قال النبي صلى الله عليه وسلم فان عصيناكم فاضربوهن ضربا غير مبرح يعني ما يكونش ضرب ايه؟ لا يكون شديدا. في سنن ابي داوود آآ ان بسند حسن - 01:24:23

ان النساء اشتكين ازواجهن. الى النبي صلى الله عليه وسلم. كان الرجال بيضربوا فقال النبي عليه الصلاة والسلام لقد طاف بال محمد سبعون بيتا او قال سبعون امرأة كلهن يشكي زوجها - 01:24:41

لا تجد اولئك خياركم اللي بيضرب ده ليس هو من خيار الناس. ليه؟ لان خيار الناس لا يضرب وهو النبي عليه الصلاة والسلام وكما قلنا لك فيه اسوة فامتنع الرجال عن الضرب - 01:25:04

فجاء عمر فقال يا رسول الله ذنرن النساء على ازواجهن. ذنرن يعني بقوا زي الاسود. ما هم امنوا بقى ما الرجالة ما بيضربوش الكلام

ده فقاموا ايه؟ اتفرعنوا بقى على على الرجالة. ذنن النساء على ازواجهن - [01:25:24](#)

ترخص في الضرب فما بقي بيت الا ضرب لما رخص النبي صلى الله عليه وسلم في الضرب. لكن الرسول صلى الله عليه وسلم قال لا تجد اولئك خياركم. وكان الضرب ده آآ اكثر في - [01:25:42](#)

القرشيين القرشيين لكن اهل المدينة اللي هم بقى الحاضرة. ما انت عارف الفرق ما بين البندر والارياف. تلاقي الراجل بتاع البندر كده ايه آآ مألطف كده وكلامه وحضرتك وسيادتك ومش عارف ايه والكلام ده. انما الراجل في الارياف انت وحزك. ها؟ اديها لك منين -

[01:25:59](#)

ما تيجي معك برضو لا يتجملون في الكلام ولا يبحسنون برضه الفرق ما بين البداوة حتى تلاقي الراجل مسلا في الارياف لما بيعامل الست بص بيعاملها ازاي. تقدر تروح تشتغل في - [01:26:23](#)

الغيظ بتاعه والكلام ده وازا ضرب يضرب بالنبوت اللي بيضرب به الحمار. عادي ما فيش مشكلة. ها وتلاقي برضه الفرق ما بين الناس اللي في الارياف والناس اللي في المدن - [01:26:33](#)

في الصفات الظاهرة زي الصوت. تلاقي الارياف صوتهم عالي او اهل البدو صوتهم عالي. انما تلاقي اهل المدينة صوتهم واطي ها يتخافتون يتكلمون همسا ليه؟ اصل الشقة ما بين الشقة والشقة نص طوبة - [01:26:43](#)

ها فكل واحد بيتكلم عشان ما يتسمعش. لكن اللي في الارياف ده مسلا عنده ميت فدان. والواد ابنه على بعد مسلا خمسين فدان عايز ينادي له هيجيبه منين ده؟ يصرخ على اخره. ادي له مخ بقى زي ما احنا بنقول مخ - [01:27:00](#)

كلام كده بتاع ينادي عليه. فتلاقي صوته لوحده عالم حتى لو اتكلم كده وبتاع تلاقي صوته عالي لوحده. غير الناس اللي هم اهل الايه؟ اهل الحضر. تلاقي صوتهم واطي عشان برضه البيئة. في المسألة دي - [01:27:15](#)

وزي ما زكرت لكم القرشيين كانوا يختلفون. حديس عمر بن الخطاب في الصحيحين آآ يقول كنا معشر قريش قوم نغلب نساءنا فلما قدمنا على اخواننا من الانصار اذا هم قوم تغلبهم نساؤهم - [01:27:29](#)

فطلفن نساؤنا يأخذن من ادب نساء الانصار فصخبت علي امرأتي ذات يوم فرجعنتي فقمتم الى قضيب فضربتها فقالت اوفي هذا انت يا ابن الخطاب؟ هو انت لسة ماشي على السيرة بتاعة آآ زمان؟ قريش ان ازواج النبي صلى الله عليه وسلم - [01:27:51](#)

جعناه ويهجر له الصبح حتى الليل فقال اوتفعل حفصة ذلك؟ خابت وخسرت وساق الحديث. الشاهد ايه امرأة عمر تراجعته مجرد مراجعة يقول مسلا ما رأيك في الكلام الفلاني؟ يقول لها لا تقول لآ انا رأيي رأيك من امتي؟ لم - [01:28:16](#)

عوض عمر ابن الخطاب ان هي تبدي رأيا في الموضوع. ولذلك قال فاخذت قضيبا فضربتها. ازاي تراجعني في الكلام؟ وازاي ترد علي كلمة ولا الكلام ده فقالت اوفي هذا انت الدنيا اتغيرت وجينا المدينة والكلام ده لست افضل من النبي صلى الله عليه وسلم -

[01:28:48](#)

ونسأوه يراجعته الصبح ويهجرنه كمان ويهجرنه الصبح حتى الليل كنت انا زمان عشان برضه بنبه يعني من حوالي عشرين سنة كده كنت شرحت هذا الحديث وقلبت الكلام. قلت ويهجرنه الليل - [01:29:08](#)

حتى الصبح وده غلط لان المرأة اذا هجرت فراش زوجها لعنتها الملائكة حتى تصبح. فانا استشكلت المسألة دي لاني كنت حافظها كده. فلما قرع خاطري هذا الحديث قمت رايح على الرواية على طول عشان اشوف هل فعلا الليل حتى الصبح وجدتها لا الصبح حتى

الايه؟ حتى الليل - [01:29:32](#)

لم يكن كما قلت لكم يعني من عادة القرشيين ان يسمحوا للنساء زي برضه البدو زي الارياف وزى الكلام ده. برضو المرأة ايه لا تأخذ حظها الايه؟ فهو الضرب كما قلنا في كتاب الله عز وجل مقصود بالضرب التأديب. مش المقصود باحداث عاهة للمرأة وان يكون ضربا

ايه - [01:29:54](#)

ضربا غير مبرح. ساعات تلاقي واحد شايل مسلا سواك عبارة عن نص شجرة كده حاططها هنا. واخذ بالك؟ ايه يا ابني بالتباع حدا يقول لك لي فيه مآرب اخرى بيضرب به. اصل فيه بعض الناس يقول لك ايه طب تضرب ازاي؟ قال لك تضرب بالسواك. ها؟ اهو لو

سائل النص نبود كده - [01:30:15](#)

البتاع عمال يستاجبي والكلام ده. وده برضو هيكسر عضم المرأة دي. ها والسواك اللي هو قد كده برضه ما لا يحدث ضربا. عشان بعض الناس فاكر ان الضرب وياك سنة او اني امر بهذا او انه اذا اراد ان يضربها ضربا غير مبرح لأ يضربها بالسواك لأ الضرب غير

المبرح ممكن يكون باليد - [01:30:35](#)

وقد حدث هذا لعائشة مع النبي صلى الله عليه وسلم كما في صحيح مسلم قالت عائشة رضي الله عنها الا احدثكم عني وعن رسول

الله صلى الله عليه وسلم؟ تحكي موقف موقفا حدث قالت انه لما - [01:30:55](#)

كان في ليلتي التي هي لي جاء ففتح الباب رويدا رويدا. رويدا رويدا يعني بالراحة قوي عشان عائشة ايه ما تحسش بالمسائل

فتنزعج فتقوم. وهذا من رفقه عليه الصلاة والسلام - [01:31:11](#)

اخذ نعله خلع النعل بتاعه وشايل النعل في ايديه ومشى رويدا رويدا حتى لا تسمع ايه وقع اه نعله ووضع جنبه على الفراش رويدا

رويدا. هي دي كلها تحت اللحاف وشايفة الموضوع وساكتة - [01:31:27](#)

النبي صلى الله عليه وسلم وهو داخل ايه على غير عادته. فما هو الا ان وضع جنبه على الفراش حتى قام فاخذ نعله رويدا رويدا

ومشى رويدا رويدا وفتح الباب رويدا رويدا وانطلق - [01:31:49](#)

قالت فتقنعت ازاري وانطلقت وراءه ليه ظننت انه ايه زاهب لبعض نساءه فضلت ماشية وراه لحد ما وصل للبقيع عليه الصلاة والسلام

يرفع جعل يرفع يديه ويخفضها ثلاثا قالت ثم انحرف راجعا فانحرفت - [01:32:05](#)

فاسرع فاسرعت فهي عايزة تحافظ على المسافة بينهم. عشان ما يلحقهاش ويعرف هي مين. فاسرع فاسرعت فاحضر مشي بالراحة

فاحضرته فهورول فهورولت سرعة اكثر فاحضر فاحضرت يعني مشي بالراحة على هيئته وسبقته - [01:32:31](#)

انت عارف مين البقيع الحجرة النبوية بتاع مسلا متين تلتمية متر كده ولا فمسافة برضو وجاية اغلب المسافة دي كانت بتجري. اول

ما دخلت الاوضة قامت داخله تحت اللحاف على طول. ما فيش ثواني دقائق النبي صلى الله عليه وسلم دخل - [01:32:57](#)

لقى اللحاف ايه طالع نازل طالع نازل. يعني بتنهج. بتنهج! هو تركها مستريحة ازاي بقى ايه النفس اللي طالع نازل ده والكلام ده فقال

ما لك يا عائش؟ شف شف الالفاز يا عائش ترخيم الترخيم اللي هو يدل على الاذلال ما لك يا عائش - [01:33:15](#)

حشرايبية عندك حاجة في صدرك يعني قالت لا لا شيه فقال لها لتخبرني او ليخبرني اللطيف الخبير فقالت يا رسول الله مهما يكتم

الناس يعلمه الله وحكت له بقى الحكاية. دخلت رويدا رويدا وخرجت رويدا رويدا. قال لها انت السواد الذي كان امامي - [01:33:42](#)

اهي لابسة اسود قالت نعم قالت فلهزني او لهدني روايتان في صدري لهزة اوجعتني ضربها بمجامع يده في صدرها وقال لها اظننتي

ان يحيف عليك الله ورسوله ان تكون الليلة لك ثم اذهب لغيرك؟ - [01:34:09](#)

ان جبريل اتاني وما كان ليدخل عليك وقد وضعت ثيابك فناداني فاخفى منك عشان ما تسمعيش الصوت. انا بس اللي سامعني.

فاجبته فاخفيته منك وكرهت ان اوقظك فتستوحشي برضو شف كله رفق ورحمة هيصحبها يقول لها طب انا رايح البقيع طب ده

قاعدة لوحدها. ممكن تخاف ومن طبيعة - [01:34:34](#)

الخوف واحد صاحبي بيقول لي انه دخل مراته قافلة على نفسها باب الاوضة والكلام ده. ايه ده قافلة على نفسك ليه؟ قالت له شفت

صرصار ماشي في في الطرق صرصارا! الله! او مال لو شفت فار بقى كنا هنصلي عليك الجنازة بقى ولا ايه! طب ده المفروض

الصرصير اصدقاء المرأة. ها - [01:35:08](#)

اي مطبخ مهما كنت حريصا على ان المطبخ يبقى عشرة على عشرة لازم تلايقك صرصارين ثلاثة كده حاجة كده على مقوسهم يعني.

ها فالمفترض يعني اه في نوع من تجري يجري قدامها بتاع الكلام ده لكن صرصار ماشي في طريقة بتقوم تقفل على نفسها باب

الاوضة بالمفتاح والكلام ده. طب ما الصرصار هيدخل من تحت. هو هيعجز - [01:35:30](#)

يعني ده قد كدهو. ها فطبيعة النساء الخوف. قال لها لأ كرهت ان اوقظك فتستوحشي فقال ان ربك يأمرك ان تأتي اهل البقيع

فتستغفر لهم شف بقى زكاء عائشة اللي انا نفسي النساء يتعلموا منه - [01:35:50](#)

قالت يا رسول الله وما اقول اذا دخلت عليهم؟ غيرت الكلام؟ خلص الموضوع. دخلنا في موضوع ثاني خالص انا بقى اللي شايفه في المسألة دي ان عند بعض النساء غياب منقطع النظير في المسألة دي - [01:36:09](#)

يدخل الراجل من الشغل تعبان زهقان قرفان اي حاجة تعمل معه اي مشاجرة. يقول لها طب يا ستي خلاص اجلي الكلام. تقول له لأ لازم نخلص الموضوع. يا ستي خزي الشيطان. خليني هاتكلم كلمتين. طب خلاص استريح. لأ لازم نخلص - [01:36:28](#)

موضوع اتعرفنا براسي من رجليا. ايه الموضوع وايه الحكاية يا ستي اعلمي معروف. العفاريت بتلعب في وشي. سيبيني الساعات قال لازم اللي مش عارف ايه والبتاع قال لك سببي الموضوع يا سببي الموضوع. غيري الكلام - [01:36:44](#)

واحدة من الصنف ده اغرب موقف شفته في حياتي. من الصنف ده. دخلت عملت مشاجرة مع الراجل مش عارف قالت له طلقني قال لها طب طب سيبيني اهدى كده وهطلقك. وعد مني هطلقك. بس سيبيني اخرج. قالت له لأ. يا ستي سيبيني اخرج. لأ - [01:37:01](#)

حب يخرج قامت قافلة الباب وخاطفة المفتاح وقالت له ما انتاش خارج الا اما اطلق زهق قال لها طب انت طالق قامت قالت له كده تفرط في بسهولة كده! الله! ده الراجل بيقول له كنت هتجن! قال ده انا عمال اقول لك اخزي الشيطان - [01:37:21](#)

والمش عارف ايه تقفلي علي الباب وتاخدي المفتاح وتقولي لي لو مش عارف راجل وابوك خلف راجل ومش عارف ايه الكلام ده طلق. واجي اطلق تقول لي تفرط في بالسهولة دي - [01:37:48](#)

ومنت عليك المش عارف ايه بتاع. اهو فيه بيوت بتسقط بيوت بسبب القصة دي لأ عائشة غيرت الموضوع. خلاص. ان ربك يأمر ان تأتي البقيع فتستغفر له قالت وما اقول لهم اذا دخلت عليهم يا رسول الله؟ قال قل السلام عليكم ديار قوم مؤمنين الى اخر الحديث. فيبقى الشاهد هنا بقى النبي عليه الصلاة والسلام لما ضربها - [01:37:58](#)

اهو ده ضرب خفيف. ضربها ايه؟ ضربها بمجامع يده. حتى قالت لهزة اوجعتني. بس لا اللي هي عضمي اتكسر ولا دماغي اتفتح زي العياء غياء ده. صاحب هذا الضال المضل. صاحب الضلال البعيد. فده رجل بقى - [01:38:25](#)

غير بكده الرجل الشديد جدا جدا يعلم مراته الخيانة. مش الخيانة آآ في الفراش. لأ يعلي مراته الخيانة في المال يقول لك ما انا حياتي معه على كف عفريت بكرة يمشيني. خد اي حاجة - [01:38:43](#)

خد اي حاجة من وراه خد من مصروف خد من مش عارف ايه وخد من ايه اعلم لحساب للزمن. والكلام ده. بخلاف المرأة اذا كانت امنة مع زوجها المرأة ايه السابعة - [01:39:02](#)

السابعة الغايات طبقاء دي السابعة. مش كده قالت المرأة الثامنة انا طولت اه ليلتكم فلة. ادي احنا قاعدين وانا اقول انا حزرتك زنبكم على جنبكم. انا قلت لكم ان الحديس طويل وآآ كده. طيب. ماشي. ماشي. قالت المرأة الثامنة زوجي - [01:39:17](#)

في المس مس ارنب والريح ريح زرنب شوف كلام جميل ازاي شوف الارنب ونعومة ملمس الارنب رجل ناعم رقيق زي جلد الارنب. كلامه جميل. تصرفاته جميلة. لما بيحب يفتح الدرج بيخبط عليه. ها - [01:39:46](#)

بيستأذن يعني من الدرج قبل ما يفتحه. الراجل ايه ما حصلش يعني وبعدين الريح ريح زرنب. دايمًا مهتم بالطور. ودي برضو عاملة مشكلة في البيوت. ان المرأة وتترك التعطر والتزين وكذلك الرجل. لا شف حديث عائشة رضي الله عنها في صحيح مسلم. آآ لما سألتها - [01:40:10](#)

اه اه شريح الحديث عن ابيه عن عائشة. لما سألتها باي شيه كان النبي صلى الله عليه وسلم يدخل البيت يبداً اذا دخل بيته قالت بالسواك اول حاجة النبي صلى الله عليه وسلم يعملها اذا دخل البيت بالسواك - [01:40:35](#)

ليه؟ لان الرائحة اذا كانت منفرة بتعمل نوع من النفرة. لأ كان النبي صلى الله عليه وسلم اعطر الناس وكانوا يعرفونه اذا مشى في طريق من رائحة الطريق يطلع من البيت وبشم الريحه ويقول كان النبي. لسة ماشي دلوقتي من من هذا الطريق - [01:40:58](#)

فهذا الرجل لا يصل منه اذى الى المرأة المرأة العاقلة هي التي تهتم بنظافتها الشخصية تهتم بزینتها لان المرأة في الاصل زينة. زينة خلقت زينة فيقبح الا تتزين. وفي سنن النسائي قالت امرأة للنبي صلى الله عليه وسلم يا رسول الله ان المرأة اذا - [01:41:24](#)

لم تتزين لزوجها صلفت عنده صرفت يعني ايه؟ يعني ثقلت عليه وكره النظر اليها المرأة تجاهز تعمل لها جدول كده ما تشتغلش في

البيت وزوجها حاضر نخلص كل الشغل وزوجها غايب. وطبعا ده درس للنساء العاملات. لاني وجدت ان اكثر المشاكل - [01:41:55](#) في المجتمع في بيوت النساء العاملات مش في بيوت النساء اللي هم في البيوت والمرأة معزورة. هم اللاتنين طالعين مع بعض. وهم اللاتنين راجعين جايبين سندوتشات مع بعض. طبعا اذا كانوا قاييمين متأخرين لا لحقت تطبق للحاف ولا ترتب السرير ولا المش عارف ايه والبيت سابوه زي ما هو رجعوا اللاتنين زي ما هو - [01:42:22](#)

لا غلط المرأة زي ما انت بترجع صدرك ضيق من الشغل المواطنين والمش عارف ايه وزملاتك والكلام ده. هي كذلك. راجعة صدرها برضو زي خرم الابرة طب انت بقى لما تكون انت زهقان وتعبان والكلام ده مين يهديك - [01:42:47](#) مين يقف كده يبقى عنده اخلاق وعنده حلم وعنده الكلام ده. ما يكونش غير مراتك بس اول ما تدخل تقول لك يعني انت زعلان مني

شكلك متغير شكلك مش عارف ايه الكلام ده. ولقى الست الناصحة اللي هي عرفت مفاتيح زوجها - [01:43:07](#) الراجل يحب المرأة الزكية جدا جدا اللي هو اللي هي تعرف هو عايز ايه من غير ما يتكلم اذا بص للسقف تعرف هو عايز ايه؟ اذا بص في الارض تعرف هو عايز ايه. ممكن ياخذ نص نفس كده ويسكت. تقول له انت كنت عايز تقول ايه؟ مسلا - [01:43:25](#)

الرجل يبقى عنده اعجاب بالمرأة اللي زي دي اشوف في صحيح البخاري من حديث اسماء بنت ابي بكر رضي الله عنها بتقول تزوجني الزبير وماله في الارض شيه. فقير الا ناضح - [01:43:45](#)

جمل بعير يعني وارض اقطعه النبي صلى الله عليه وسلم على بعد ثلثي فارسخ من المدينة. حوالي ستة كيلو كده ولا بتاع او خمسة كيلو فكانت اسماء تمشي وتصل الى الارض عشان تجيب النوى عشان فرس الزبير - [01:44:03](#)

والزبير بن العوام حوارى النبي عليه الصلاة والسلام قصر حياته على النبي عليه الصلاة والسلام فكانت اسماء بتقوم بالدور بقى انها تروح تجيب النوى والكلام ده. وانت عارف بق الفرس بقى. شف بقه قد كده. يعني ياكل في لقمة واحدة كيلو نووي - [01:44:21](#) وكان زمان النوى انت عارف بقى النوى آآ لو جفته ايد هون وقعدتوا تدقوا النوى بقى ايدك هتبربق قبل ما تكسر النوايا. هي بقى

تجيب النوى وتقعده تطحن فيه عشان الفرس ياكل - [01:44:37](#) ففي يوم من الايام وهي راجعة من الارض شايبة النوى على راسها مرت بالنبي عليه الصلاة والسلام راكب الجمل بتاعه ومعه مجموعة من الصحابة. كل واحد راكب الدابة بتاعته قالت فاناخ النبي صلى الله عليه وسلم البعير - [01:44:48](#)

ودعاني لاركب خلفه قالت فاستحييت ان امشي مع الرجال وذكرت الزبير وغيرته فلما النبي عليه الصلاة والسلام رآها استحييت لما رجعت البيت بقى بتحكى للزبير الموقف. النبي صلى الله عليه وسلم دعاني لركوب خلفه كرهت ان يشم وذكرت غيرتك - [01:45:06](#) دي رعاية لصدر الرجل انا بكره الحاجة الفلانية. ليه تعمل ايه ده ببيغير صدري. ليه تعمل ايه؟ برضو تقول ذكرت الزبيرية وغيرته الزبير

كان اغير الناس. او من اغير الناس - [01:45:37](#) وكان شديدا حتى قال له عمر ابن الخطاب يوما وقد سمعه يقول انا مؤمن الرضا كافر الغضب الزبير اللي يقول لعمر انا مؤمن الرضا كافر الغضب قال اظنها لو الت اليك اللي هي الخلافة يعني - [01:45:58](#)

لظلت يومك بالبطحاء تقاتل على مد من شعير. طالما كافر الغضب واحد زعلك هتججز الجيش كله. ويكون انت بتقاتل على ايه على مد من شهير فشوف ده نظر المرأة الى ما يزعج الزوج فلا تفعله. كذلك حديث عائشة رضي الله عنها في الصحيحين. آآ - [01:46:19](#) اه قالت كان الناس يتحرون بهداياهم ليلة عائشة عشان عارفين النبي صلى الله عليه وسلم يحبها فانت ايه عشان يعني تصل الى

قلب النبي صلى الله عليه وسلم تقول تحط الهدية في المكان اللي هو يحبه - [01:46:42](#) حتى يعني صار عند عائشة هدايا كثيرة ولما يلف النبي صلى الله عليه وسلم على بقية البيوت ما فيش حد يودي هدية نساء النبي صلى الله عليه وسلم نفسن عليها هذا - [01:46:54](#)

وقال والله اننا نريد ان نصيب من الخير مثل عائشة فكله الاول ام سلمة دي رواية البخاري اللي هي اولها كان ازواج النبي صلى الله عليه وسلم حزبين حزب فيه عائشة وحفصة وسودة وصفية - [01:47:06](#) وجويرية والحزب الاخر ام سلمة وبقية امهات المؤمنين فلما قالوا بقى يعني آآ الهدايا آآ تنوزع والكلام ده قالوا الام سلمة ام سلمة

معروفة معروفة بعقلها قالوا لها لما يلف ويجي لك قولي له - [01:47:25](#)

يعني اه انه ينه على الصحابة انه اي حد يريد ان يعطي هدية فليعطها في اي مكان كان النبي من ابياته ما يخصش عائشة فلما جاء في ليلة ام سلمة كلمته فسكت. ما ردش - [01:47:47](#)

تاني يوم ايه اللي جرى؟ قالت لم يتكلم طيب لما يلف تاني قولي له فالنبي صلى الله عليه وسلم لف وجه عند ام سلمى كلمته. سكت فبرده لف اللفة الثالثة وجاء عندها - [01:48:06](#)

فكلمته فقال لها لا تؤذيني في عائشة فوالله ما نزل الوحي في لحاف امرأة غيرها. قالت يا رسول الله اني اعوذ بالله من اذاك طب ده يؤذيه يبقى ما تعملوش - [01:48:26](#)

فقال لهم بقى فارسلنا فاطمة قالت عائشة فجاءت لا تخطى مشيتها مشية النبي. صلى الله عليه وسلم. تمشي زي بالزبط. نفس حركة ايديها نفس حركة رجليها وكان النبي صلى الله عليه وسلم بقى ايه على السرير وهو وعائشة - [01:48:47](#)

قال فلما دخلت قال اهلا بابنتي فجلست على طرف السرير بيني وبينه فقالت يا رسول الله ان ازواجك يسألنك العدل في ابنة ابي قحافة اللي عايش فقال لها اي بنيتي اتحبيني - [01:49:08](#)

قالت اجل قال فاحبي هذه خلاص خدت الجواب وخلاص ارسلنا زينب بنت جحش وكانت اثيرة عند النبي عليه الصلاة والسلام فلما دخلت زينب تكلمت بكلام شديد. حصل نوع من الغيرة - [01:49:30](#)

فكلمت عائشة بكلام شديد الشاهد من الكلام قالت عائشة فنظرت الى النبي صلى الله عليه وسلم هل يكره ان انتصر هي اتكلمت في حق كلام شديد. طب انا لو رديت عليها هيزعل قبل ما تتكلم نظرت ايه - [01:49:55](#)

طب ايش عرفها بقى ان النبي صلى الله عليه وسلم اذن لها ان تتكلم خبرة المرأة الذكية التي اذا تزوجت بحثت عن مفاتيح زوجها مفاتيحه فين مش عارفة تجيب مفتاح وتعمل له طفاشة. خلاص لازم لازم يبقى له حل. لازم يبقى له حل. الست زكية لا تياس

ابدا - [01:50:19](#)

تعرف مفاتيح شخصية الراجل ده ايه؟ فتقوم لا تستفزه وده يعرف كما قلت بالعشرة. قالت فنظرت اليه. هل يكره ان انتصر قالت فلما علمت انه لا يكره ان انتصر قمت لها فافحمتها - [01:50:43](#)

فتبسم النبي صلى الله عليه وسلم وقال انها ابنة ابي بكر لا تغلب يعني. في بقى المرأة المرأة الفاضلة هي التي تعرف مفاتيح زوجها لما يكون زي ما قلت لك اهوت. المرأة حتى لو زوجها قال لها روعي اشتغلي - [01:51:04](#)

لأ تقول له انا افضل اقعدي في البيت استقرار البيت انما هو قائم على هذا يبقى يبقى المرأة دي مدحت زوجها بالطف عبارة واخصرها ايضا. يمكن دي المرأة اللي اقل امرأة كلاما هي المرأة دي - [01:51:23](#)

اقل امرأة كلاما لكن شف مدحها عالي جدا. المس مس ارنب والريح ريح زرنب. دي المرأة الايه؟ الثامنة التاسعة المرأة التاسعة. قالت زوجي رفيع العماد طويل بس مش عشانك. ها لانها مدحته ما هي ده برضه ست بتمدح زوجها. رفيع العماد الطول - [01:51:40](#)

اذا كان على رجل عاقل فهو ممدوح رفيع العماد اما من الطول وبعض الشراح حملها على البيت يعني والكلام ده بس الصحيح انه رفيع العماد الطويل طويل النجاد. النجاد جراب السيف. وطبعا انت عارف الانسان لما يكون طويل - [01:52:09](#)

الاعضاء بتاعته بيبقى طويلة زي. لما يكون قصير اعضائه تبقى قصيرة زي. فده معنى انه طويل النجاد يعني يعني جراب السيف قد كده هو بيبقى شف بقى هو فين رفيع العماد طويل النجاد عظيم الرمداد - [01:52:30](#)

عظيم الرمداد من كتر ما بيشوي للضيفان الرمداد بتاع الايه الشي ده كتير بقى بقى ايه كوام كوام اكوام عظيم الرمداد قريب البيت من الناد. النادي مش قال لك ايه خد بيتك في حارة سد. لأ ده هو البيت بتاعه جنب منتدى الناس. منتدى الناس اللي هو المجلس -

[01:52:47](#)

طب اقرب بيت هو اللي بييزل الخدمة. عايزين نشرب مية هات لنا مية من بيت فلان. عايزين اكل هات لنا مش عارف من بيت فلان. غير ان واحد يكون في اخر الشارع. لأ ده هو - [01:53:11](#)

من علامة كرمه كثرة الرماد وانه قريب من منتدى الناس ومن ايه جلوس الناس الكرم هنتكلم عليه شوية برضو بس مع الراجل الايه؟
العاشر قالت العاشرة زوجي مالك اسمه مالك - [01:53:21](#)

اسمه ما لك. زوجي ما لك وما لك. تعرفوا حاجة عن مالك وحيث انكم لا تعرفون انا هعرفكم مين من من ما لك فطبعاً لما تقدم بهذه
المقدمة واضح انها ايه؟ انها بتحبه - [01:53:41](#)

وتريد ان آ تشيد به. مالك ومالك مالك خير من ذلك كل شيه من المكرمات يخطر ببالك فمالك فووه مالك خير من ذلك. له ابل
كسيرات المبارك قليلات المسارح يعني دايماً الابل اكثر عنده مسلاً مائة ناقة. تلاقي ستين ناقة في الزريبة - [01:53:58](#)
واربعين ناقة سرحهم للغيظ عشان ياكلوا. يرعوا طب هو ليه خلى الاكثر في في الزريبة عشان الضيفان عشان الضيفان لو نزل به
اضيف ما يعملش زي الراجل اللي هو آ راح لواحد صاحبه - [01:54:28](#)

لقاه بايه لا كان بيجمع النخل الرطب البلح الاحمر ومش عارف ايه والكلام ده فالراجل قال لابنه ايه طبعاً راجل جاي الضيف جعان.
وهو بيقطع في في السباطات بتاع النخل تقوم تقف ايه بلحايا بلحايا في الطين - [01:54:48](#)

فالراجل ضيف ياكل البلح بطينه. ها فالراجل قال لابنه اول ما يمسح هاته يتغدى اول ما يبتدي يمسح البلحاوي ما يشوفش الطين
يبقى شبع. ما هو ايه اللي خلاه ياكل البلح بطينه؟ هيموت من الجوع. ها؟ قال له سيبه - [01:55:06](#)

ياكل ياكل البلح بخيره حلو. ها اول ما يمسح البلحاية وياخد باله ان عليها طين. هاته ويتغدى بقى ان شاء الله ها لأ ده بقى مش كده
ده يدعو الاغلب البتاع في الزرايب والكلام ده وقليلات المسارح بيسرح بقى برة - [01:55:24](#)

اذا سمعنا صوت المزهر ايقتنا انهن هوالك. هو كان له عادة جميلة انذاك ان عنده فرقة حسب الله مزيكا ومش عارف والكلام ده اول ما
بيجي ضيف يقف التحية العسكرية بقى والسلام الجمهوري والبتاع ده يقف بقى الضيف يقف واقف كده لحد ما يدوا له العزف -
[01:55:43](#)

المحترم والبتاع عشان يفتحوا نفسه وبعدين بيتدي يدخل البيت يدبح له بقى دبيحة دبيحتين ثلاثة على ايه؟ على حسب التساهيل
بقى. ده كله من باب ايه؟ من باب اكرام الضيف - [01:56:03](#)

الكرم والسخاء يغطي كل عيب الكريم ما لوش عيب ابدأ وهي ام زرع وقالت الحادية عشرة زوجي ابو زرع فما ابو زرع تعرفوا ايه
عن ابي زرع ده وحيث انكم لا تعرفون شيئاً عن ابي زرع ادوني بقى فرصة - [01:56:13](#)

اتكلم عن ابي زر. وهي اكثر امرأة تكلمت. يمكن واحدة تلت الحديس لوحدها اناس من حلي اذني آ لآحز الكلام. الكلام مليون بالدفع
كلام امرأة محبة انت لو انت راجل بقى حساس بالكلام ده لا تخطئك نبرة المحب اذا تكلم - [01:56:43](#)

ابدا اناس من حلي اذني وملأ من شحم عضدي انس من النوس وهو الحركة والاضطراب ومنه الناس عشان بيروح يمين وشمال كده
يتفرقون في كل مكان ومنه حديث ابن عمر رضي الله عنهما في صحيح البخاري قال دخلت على حفصة ونوسات - [01:57:12](#)

تنطف النوسات اللي هي الضفاير كانت حفصة مغتسلة وكان الضفاير بتاعتها ايه بتنقط مية. سميت الضفيرة نوسا لانها تتحرك اذا
حركت المرأة رأسها ايه بتتحرك معها كمان. اناس من حلي اذني يعني علق الذهب في اذني. لما تقعد تحرك ايه؟ راسك - [01:57:45](#)

كده يوم الحلق اللي ركب في ودانها ده يقوم يتحرك معه. اناس من حلي اذني وملأ من شحم عضدي كانت جلد على عضم لأ اكلها
بقى وزغطها وبتاع والكلام ده لحد ما ايه ما بان عليها انها ايه انها خلاص بقت الى عضلات وكده - [01:58:09](#)

وملأ من شحم عضدي وبجحني فبجحت الي نفسي قعد يقول لها يا ست الكل يا سنيورة يا سندريلا يا اللي مش هنا يا اللي من هنا
لحد ما صدقت نفسها - [01:58:29](#)

وده احد اركان النجاح استعمله مع ولدك او مع امرأتك بجحه حتى لو كان لا يستحق ذلك لما تيجي تقول للواد انا عارف انك انت ولد
زكي وولد كويس ولماح ما شاء الله عليكم ومؤدب ومش عارف ايه والكلام ده. وانت وما فيش ولا صفة من دي - [01:58:44](#)

الولد يلبس الصفة. انا لسة بقول له مؤدب وابن حلال وزكي. مش ممكن يتغابي وهو واقف. لأ يحس بالنوع من الانتعاش المرأة تقول
لها انا عارف ان انت بنت اصول والغلط ما يجيش منك واللي انت قلتيه ده انا عارف انه زلة لسان - [01:59:08](#)

لولا ان انا عارف كده ما كنتش صبرت على هذا الكلام. انت بنت ناس ومتربية والحمد لله وشوفي اهلك ناس فضلاء ومش عارف ايه والكلام ده. حتى لو ما كانش كده - [01:59:25](#)

على الاقل شرها ينكسر لكن تقعد تفتطس فيه وانت طول عمرك ما انتش نافع وانا عارف انا عارف كده ان انت سنتك سودا وان انا عارف ان انت مش هتجيبها لبر وانا فعلا يوم ما اتجوزت - [01:59:33](#)

وانت كده عارفة ان انت مش هتحمري معي والكلام ده. لا لا شف وبجحتني فبجحت الي نفسي. مع انني او مع انه وجدني في اهل غنيمة بشق يعني انا لا سنيور ولا سندريلا ولا يحزنون. ده انا كت يعني فقيرة جدا جدا. وكان كل اللي حيلتنا غنيم - [01:59:47](#)
مش غنمة كمان انما صغرت غنمها لتشير الي حقارة المال الذي كان عندها. ها؟ فلذلك قامت صغرت الايه قامت صغرت غنيمة الاشارة الى حقارة الماء. بالمناسبة تصغير صابونة ايه؟ صبينة ولا بروة - [02:00:12](#)

طب بلاش رغي هه آآ غنيمة بشق يعني شق جبل. يعني ساكنة في حارة سد يعني شف فقيرة ها وساكنة في حارة سد. آآ حي ريفي كده ولا حي متواضع والكلام ده - [02:00:33](#)

فقام نقلها نقلة كبيرة جدا وجدني في اهل غنيمة بشق شق جبل يعني؟ فجعلني في اهل سهيل واطيط ودانس ومنقي يا سلام! نقلة بقى ما حصلتش وجدني في اهل سهيل نقلني - [02:00:57](#)

جعلني في اهل سهيل كناية عن الخيل واطيت قناعا الابل ان خف الجمل طبعا ما يعرفش الكلام ده الا واحد جمال. خف الجمل طري لما تحمل عليه حمل كبير وانت جمال وماشي وراه ماسك ديله وبتقول يا ليل يا عين وبتاع وبتدي مواويل كده ورا الجبل ها - [02:01:19](#)

تقوم تلاقي خف الجمل بيقطقط. يقول قط قط قط قط ها بيعمل صوت كده وهو ماشي عشان الحمل اللي هو ايه الحمل اللي هو شايله. في اهل سهيل الخيل واطيط - [02:01:43](#)

ده كناية عن انهم اهل زرع الذراع الدانس اي ما يداس بتجيب القمح كنا زمان في النوارج والمش عارف ايه البابور يمشي على الرز وبتاع والكلام ده. ايه يداس تجيب الفول تجيب - [02:02:00](#)

الرز الدبل مش عارف ايه الكلام ده بيقى اهل زرع. ومنق المنقل والمنخل ها كان زمان العرب لا يتخذ المنخل ده الا واحد بقى من الناس اللي ايه الكبار اوي اصحاب الرفاهية الكاملة - [02:02:18](#)

كانوا ما عندهمش المنخل فكان يطحن الشعير ببعض العصر التبن الموجود. ومش عارف يخلصوا من بعضه فيفضل شوية تبني كده مع الدقيق ماشي اخبز وكل. ما فيش مشكلة. لأ ده بقى ما بيتعلفش. ده بيحجب البتاع كدهوت ويعمل كده ينزل - [02:02:37](#)

للمح لوحده والبتاع لوحده يبقى دي رفاهية شف بقى الفرق ما بين الراجل ده كان عايش ازاي وهي ايه غنيمة بشق نقلها النقلة الكبيرة دي فعنده اقول فلا اقبح. مهما قلت ما فيش حد يقول ايه العك اللي انت بتقوليه ده - [02:03:00](#)

مسلا او قبحك الله والكلام ده ليه؟ لان كرامتها من كرامة زوجها ما فيش حد يتعدى عليها. عشان عاملين حساب لزوجها ها مش مسلا واحد يتجوز واحدة امه تضربها وابوها يا بنت المش عارف مين وكمان اخواته. يقوموا برضه على البيعة كده يشتموها ولا مش عارف ايه الكلام ده - [02:03:23](#)

لا دول بقى مش عاملين لزوجها اي حساب. هي بقى امنة حتى لو غلطت وقالت كلمتين مش مش لبو ولا بد يعني ما فيش حد يقدر بيقول لها اي كلام. عنده اقول فلا اقبح - [02:03:46](#)

وارقد فاتصبح ينام لحد الضحى العالي. الشمس تطلع والكلام ده ده بدل على انها مخدومة. عندها خدامين. والا لو كانت المرأة كسائنا هي عاملة نفسها من بعد صلاة الفجر شغالة بقى تصحي العيال وتعمل الفطار وتوضا بالمش عارف مين والبتاع والكلام ده لأ ده هي ست مخدومة - [02:04:01](#)

تنام وتصحى متأخر خالص تطلع هتلاقي الاكل جاهز والعصير جاهز والمش عارف ايه. اذا هي مخدومة. ما بتخدمش نفسها فعنده اقول فلا اقبح وارقد فاتصبح واشرب فاتقمح يقال بعير قامح - [02:04:27](#)

إذا جاء الماء فشرّب ثم رفع فمه زهدا في الماء وفي رواية واشرب فاتقنح بالنون قال لك القانح الذي يشرب بعد امتلاء شرب

وخلص اتقمح شرب ومال بطنه وخلصنا. لأ اتقنح دي يعني يشرب لحد ما ينتح ها ما هو - [02:04:46](#)

ده يقوم يقول له ايه بعد ما شرب وملى بطنه يقول له معلش الكوباية دي يا عم خلاص بطني هتتفجر معلش. عشان خاطري اشرب

بس الكوباية دي. اوكل معلش اجبر ولو بهذا الديك. ها ما لا يوجد في بطن موضع لقدم. معلش عشان خاطري - [02:05:19](#)

كل ما تتحايل عليه يبقى بتحبه نفسه ياكل ومش عارف ايه والكلام ده. فشوف يعني مخدومة وتمام التمام وتاكل براحتها ولا حد

يعدلها في ولا يبص لها كلت كام ولا عملت ايه ولا حدوتة دي - [02:05:39](#)

واشرب فاتقمح ام ابي زرع فما ام ابي زر هل تعرفون شيئا عن هذه السيدة الفاضلة وحيث انكم لا تعرفون شيئا انا اقول عكومها

رداح وبيتها فساح. الخير باصص من البيت زي ما بيقولوا. العقوم اللي هي الاشولة اللي بيتخزن فيها الحب - [02:05:54](#)

رداح طويلة عريضة لما بيحب يخزن غلة ولا رز ما بيحبش شوال قد كده. بيتخزن في كيس قطن. كده. ما شاء الله ها ما هو رداح

دي مأخوذة من رداح - [02:06:25](#)

مش بيقول لك فلان عمال يردح من الصبح ها الردح ده اي انه طول المقالة بيردح عكومها راباح بيتها مليون خير. وبيتها فساح بيتها

واسع وطبعا ساعة المسكن من ايه؟ من علامات النعيم في الدنيا كما قال النبي صلى الله عليه وسلم من سعادة المرء البيت المسكن

الواسع - [02:06:39](#)

فشوف ليه اتكلمت عن المرأة كده؟ لانه تحب زوجها فهي لا تزال تدفع الدين كانما قالت للمرأة لحماتها يعني انا مدينة لك بالفضل

انك ولدت في هذا الانسان فاذا احبت المرأة زوجها احبت ام زوجها - [02:07:04](#)

مش بقى نساء الاراشانات والمش عارف ايه والكلام ده وقصص بقى الحموات الكلام اللي طالع لا ليه؟ لانه بتحب احبت المرأة التي

ولدت هذا الانسان النفيس ابن ابي زرع فما ابن ابي زرع - [02:07:36](#)

يبقى ابو زرع كان ايه؟ كان متجوز. ها؟ كان متزوجا وده ابنه من المرأة التي ايه؟ التي كانت معه. هي اتطلقت هي ماتت خلاص ابن

ابي زرع فما ابن ابي زرع مضجعه كمثل شطبة. المضجع اللي هو السرير اللي بينام عليه - [02:07:57](#)

مس الشطبة لما تجيب جريدة وتاخذ منها سلخة كده بالسكينة بتبقى الصلحة زي الصباغ ده كده عايضة تقول ان الواد ده مفتول

العضلات مش مرهط كده ينام على السرير يدلدل من هنا ومن هنا لأ واد مفتول القوام السرير بتاعه كده - [02:08:19](#)

شطفة كده من جريدة وهذا كان ممدوحا عند العرب لان ده يصلح في الكر والفرها رفيع كده وبتاع وينزل تحت الرجلين ويطلع فوق

وينزل تحت والكلام ده غير ايه صاحبنا الثاني - [02:08:41](#)

مضجعه كمثل شطر ويشبعه ذراع الجفرة. الجفرة انثى الماعز الصغير. وطبعا الذراع اللي هي الرجل الامامية ياكل الرجل هي الرجل

الامامية اللي فيها حاجة جيت اشم واكلته كله. ما فيهاش حاجة. ها؟ بيقعد يا دوك يجري بسنانه على العضم كده كله بتاعتين ومش

عارف ايه بتاع وبعدين يتقرع بقى ويقول اه اتمليت خلاص - [02:08:56](#)

طب وانت كلت ايه يا ابني؟ ما كلتش حاجة. قال لك ما هو قلة الاكل مع الصحة ممدوح. يبقى الجسم مش محتاج فبرضه بتمدح في

الايه؟ في الولد بنت ابي زرع فما بنت ابي زرع - [02:09:19](#)

طوع ابيها وطوع امها. مش عاصية ولا زي الشريك المخالف ولا الكلام ده وملء كسائها تخينة وهذا مستملح في النساء. شف الواد

مضجعه كمثل شطبة انما المرأة مش جلد على عضم. لأ مالية هدومها. ملء كسائها وغيظ جارتها. دي - [02:09:35](#)

كانت متجوزة ومعها درة فلحسنها ولجمالها ولقوامها كان زوجها يحبها. وعمالة تكيد في مين؟ ها؟ في الدرة بتاعتها بقى بسبب ايه؟

بسبب حسنها. برضه ده كله عمالة ايه تمدح في آآها - [02:10:00](#)

جارية ابي زرع فما جارية ابي زرع لا تبثوا حديثنا تبثينا. ما عندناش قمر صناعي وبث مباشر اللي يحصل في البيت الدنيا كلها تعرفه.

لأ بنتي كتومة ها لا تمس الاخبار ولا تنقل اسرار البيت. لا تبث حديثنا تبثينا. ولا تنقص ميرتنا تنقيفا - [02:10:20](#)

الميرا اللي هي المعاش مش لما تلاقي شوال الرز دلل كده ونزل الرز تسيبه! لأ تعدل الشوال قبل ما يوقع الرز. ها وما تهدرش في

المعاش. بت مدبه لقت بعد المائدة كده شوية كسر آآ خبز والكلام ده مش حطاه في الزبالة. لأ تقول لك الكلام ده بنستخدمه بقى نحطه في الفرن لما - [02:10:44](#)

فتة نعمله فريد ولا حاجة. او على الاقل نطعمه للقط ولا نطعمه للفراخ ولا اي حاجة. ما فيش حاجة اسمها تضيع ما فيش حاجة اسمها الضعف المعاش. بتحافظ على المعاش - [02:11:06](#)

ولا تجعل بيتنا تعشيشا نظيفة. بيتنا ليس كعش الطائر ريش وحشيش وقش. لا بيتنا ليس كعش الطائر انما بيتنا ايه؟ بيت في بعض الروايات خارج الصحيحين قالت وظلت تتكلم حتى وصفت كلب ابي زرع - [02:11:20](#)

شف بقى الحب ما سابتش حتى الكلب وانا كان بصراحة نفسي وانا بلف في طرق الحديد اشوف قالت ايه عن الكلب ده كده الفصل الاولاني من من حدوتة ام زرع - [02:11:43](#)

قالت فخرج ابو زرع واللاوطن تمخض جمع وطب الدنيا ربيع واللبن كثير والوتر ده اللي اللي بيحبوا فيه اللبن من الجاموسة والبقرة والكلام ده والجو جميل وبديع والكلام ده فلكي امرأة معها ولدان لها كالفهدين - [02:12:00](#)

الفهد انت عارف ايه رشيق وبيتنطط كده وبتاع يلعبان من تحت خصرها برمانتين. الشراح اختلفوا كثير قوي في القصة دي. قال لك الرمانة اشارة الى نهدها او الى عظم عجيزتها نايمة على ظهرها ففي يعني مسافة ما بين ظهرها والارض العيال بين الرمانة كده عندهم - [02:12:26](#)

ويلعبوا مع بعض كده يعني. ده كلام الايه الشراح لهم كلام كثير في المسألة دي فعجبه المنزر ده قال لك لا مانع ان نضمها الى الكتيبة. ها ما هو يعني ما - [02:12:46](#)

طيب ضمها للكتيبة ما حصلش يا ريته لما اتجوزها ساب ام زرع قالت فطلقني ونكحها السوق بتاعها ماشي سريع سريع سريع اتجوزت على طول ام زرع قالت فنكحت بعده رجلا سريرا بالسين. اي من سرات الناس واشرافهم - [02:13:02](#)

ركب شريا الشري من الخيل نوع جيد من انواع الخيل اه اه كان الجماعة صراة الناس بيركبوه وانت عارف الخيل اصلا متعجرف الكبر مربوط بالخيل الكبر مربوط بالخير فاللي يركب الخيل - [02:13:31](#)

يحس انه انتفش لوحده كده. من غير ما يعمل حاجة احس بالعزمة احس بالنخوة عشان كده النبي قال الخيل معقود في نواصيها الخير الى يوم القيامة اه والنبي عليه الصلاة والسلام قال الكبر والبطر في اهل الخيل والابل - [02:13:59](#)

والسكينة والوقار في اهل الغنم غنماية مددلة ودنها وماشية كدهوت ها لا بها ولا عليها ومسكينة والكلام ده ها انما اللي راكب الخيل ده ودي موجودة الان تلاقي مسلا اللي بيركبو السيارات الفارهة - [02:14:23](#)

وهو نازل من السيارة تحس انه لابس الفلوس. لابس تمن السيارة بينتقل اليه ثمن السيارة تلقائيا وينزل كده في بعض الناس اللي هم كانوا دايمًا يشتروا سيارات جديدة ما يركبش ابدأ سيارة مر عليها سنة. يشتروا على طول وبتاع. بيقول لي انا كنت لما بانزل - [02:14:43](#)

بحس ان صدري يقوم طالع قدامي كده لوحدي منفوش وعامل كده ونازل وبتاع قافل الباب كده من ورا قرننة كده وبتاع ويمشي اه بقى لو واحد بقى راكب عربية من مركب بقى اللي يحب النبي يزق زينا كده وقدامه وهو عايز يعدي. وببيدي له انوار بقى وبتاع وكلاكسات وصاحبنا مش واخذ باله - [02:15:03](#)

اول ما يعديهم مبرق له كده باصص له كده انت كده نزره احتقار ومش عارف ايه والكلام ده المسألة دي بتعدي على صاحبها على طول. بالزات الخيل وده منصوص كلام النبي صلى الله عليه وسلم زي ما قلت له. الكبر والبتر في اهل الخيل - [02:15:23](#)

وبعض العلماء بيقولوا ان الصفات قد تنتقل حتى لو من حيوان الى انسان. وهذا ليس يعني آآ مقصورا على انه يركب بس. ده حتى بعضهم بعض علماء التغذية بيقول انت لو اكلت لحم كثير او ادمنت اكل لحم حيوان معين - [02:15:43](#)

قد يكون بعض الصفات تنتقل لبعض صفات الحيوان ده للبني ادم يعني مسلا لو بياكل ضاني كثير ممكن ينطح. ها عادي. انتقلت له بقى فده بقى لما اليه ده رجل بقى من صلاة الناس وراكب بقى الفرس والابهة. وعشان تكتمل بقى الابهة بتاعته - [02:16:03](#)

ها بتقول ايه ؟ فنكحت بعده رجلا سريا ركب شرية اخذ خطي. الخطي اللي هو الرمح وكان في البحرين بلد يقال لها الخط والكلام ده كان ايه؟ تجبى الرماح من الهند وتوضع في الخط ده وتوزع الى سائر بلاد العرب من الايه؟ من البلد دي. عشان - [02:16:27](#)

حبها تكتمل بقى راكب الفرس وحاطط الايه الرمح تحت باطه كده ومش عارف ايه واراخ علي نعمنا فرية. غرقني في النعيم. واعطاني من كل رائحة رائحة الرائحة زي الابل والغنم رايحة كده يقول لها خدي لك اتنين - [02:16:48](#)

دي رايحة كده خدي لك اتنين. وفي بعض الروايات واعطاني من كل ذابحة زوجا. الذابحة ما يصلح ان يذبح. من انعام وقال كلي ام زرع وميري اهلك. كلي وادي لاهلك كمان - [02:17:09](#)

الراجل ده فيه عيب؟ ما فيهوش عيب ابدأ تقوم تعلق وتقول فلو اني جمعت كل شيه اعطانيه هذا الرجل ما بلغ اصغر انية ابي زرع مع ان المرأة مع ان المرأة المطلقة لا ترى لمطلقها حسنة ولو كان افضل الناس - [02:17:27](#)

طالما طلقها وكسرها يبقى ما فيش فيه ميزة ما فيش فيه حسنة ابدأ قال ازاى المرأة دي كانت وفيه الى هذا الحد حتى تصف ان كل ما اعطاه الرجل ما يبلغ اصغر انية ابي زرع - [02:17:51](#)

امراة وفيه. ايه الفرق بقى ما بين ابي زرع وما بين الرجل الثاني ده الفرق ايها الاخوة ان المرأة وجدت عند ابي زرع من دفعه الحنان ما لم تجده عند الرجل الثاني - [02:18:09](#)

باختصار جوع المرأة وقل لها كلام حلو لكن لكن ما اقصدش جواعة يعني جوعها هو الحقيقة فاجاني بالضحك انا ما كنتش واخذ بالي يعني لا انا اقصد يعني لو ان المرأة فقدت كل شيه. ها لكن وجدت دفعه الحنان يهون عليها كل شيه. ده اللي كان عند ابي زرع - [02:18:28](#)

راجل راجل بوق بتاع كلام. ها بيعرف يتكلم ويعرف ينمق الكلام. ممكن الرجل يبقى كريم جدا جدا وجاف واقف اه قلت له انا عايزة فلوس يقول لها خدي من الخزنة اللي انت عايزاها - [02:19:06](#)

طب ادي لها وشك ها او خدي الخزنة اللي انت عايزاها. عندك ايه انت بتشتكي من ايه؟ عندك من الابرة للصاروخ. ها في البيت. وعايزة ايه مني؟ اكثر من كده ايه؟ عايزة من جنيه - [02:19:24](#)

الف من جنيه لعشر تلاف لمليون للكلام ده. ما لكيش عندي حاجة. انا مش مقصر في حاجة. كتير من الرجالة يقولوا هذا الكلام. لا انت مقصر في حاجة. قصر في كتير - [02:19:36](#)

انها لا تريد جييك. انها تريد قلبك ده الفرق الجوهرى ما بين ما بين ابي زرع وبين الرجل الثاني الذي ليس فيه عيب. وكمان هي لما اتكلمت الحقيقة برضو علت من مقدار الرجل - [02:19:46](#)

وبرضو جابت كلام قوي وانا باعتقد ان جابت الكلام القوي ده عشان تحط من مقدار الرجل. عشان لما تقول ما بلغ اصغر انية ابي زرع بعد المدح العالي جدا جدا يقع على جدور رقبته - [02:20:05](#)

ها يعني ده ذم عن طريق المدح فظهرت كرمه وصفاته عشان يظهر معدن ابي زرع فبعد ما عائشة خلصت الكلام ده شوف النبي عليه الصلاة والسلام بيقول لك الذي يحمل اعباء امة - [02:20:19](#)

قاعد يسمع ويعطي اذنه للمرأة ويعلق تعليقه الجميل في نهاية الكلام. يقول لها كنت لك كابي زرع لام زرع زاد النسائي في روايته غير اني لا اطلقك وفي بعض الروايات قالت له بل انت يا رسول الله خير من ابي زرع - [02:20:38](#)

ده ابو زرع ده كفاية ان النبي عليه الصلاة والسلام بيقول لها كنت لك كابي زرع. ده يطلع ابو زرع ده. عشان النبي صلى الله عليه وسلم يقول انا لك كابي زرع - [02:21:07](#)

يعني يعني كون النبي صلى الله عليه وسلم يشبه نفسه بابي زرع ده هذا شرف باذخ. لابي زرع احنا نرجع بقى ونستفيد من هذا الدرس. ان احنا نرجع ادراجنا مرة اخرى وليس عيبا اذا كان فيه سوء عشرة ما بينك وبين المرأة - [02:21:18](#)

انكم تعملوا صلح والله انا سمعت كذا وكذا واثر في كلام النبي عليه الصلاة والسلام واثر في الوحي المنزل. فلما الوحي اللي يرجعك يبقى شرف لك غير لما تقول لها انا الحقيقة كنت غلطان وآآ ما كنتش كويس ومش عارف لأ. ارجع برضو اذا اردت ان ترجع

فارجع رجوعا كريما - [02:21:36](#)

فلما حد لما حد يقول انما ارجعني قول الله ورسوله هذا شيء جميل. وهذا شرف عشان كده احنا بنقول يا اخواننا بيوتنا طول ما هي مستقرة بيطلع اولاد نجباء اولاد عندهم استقرار اولاد يحبون الالتزام - [02:21:59](#)

لكن واحد ملتحي وواحدة منتقبة ويشتموا بعض باقزع الشتائم تطلع البنت كارهة النقاب ويطلع الواد كاره اللحية ليه؟ لان الاب اللي هو الاسوة الذي كان يمثل الدين سقط من حالق عند الولد - [02:22:16](#)

عشان كده نرجو ان احنا ايه نطلع من هنا بخطة عمل. ما يكونش بس ان احنا سمعنا واتسلينا والكلام دهوت ويذهب الى درج الرياح لا. انا اوصي يعني واشدد على اي انسان - [02:22:32](#)

في خصومة بينه وبين امرأته او اي امرأة فيها خصومة بينها وبين زوجها ان الليلة دي لابد ان نصفي هذه الخصومات ونرجع ادراجنا مرة اخرى الى شرع ربنا تبارك وتعالى. اقول قولي هذا واستغفر الله لي ولكم. صلى الله وسلم وبارك على نبينا محمد. الحمد

لله رب العالمين - [02:22:45](#)